

詩所

序

序
凡例
名氏爵里

漢書門			
一	一	一	一
二	八	七	七
四	四	〇	七
册	架	函	號

三	一
九	二
一	一
七	七

內閣文庫	
番號	漢 11117
冊數	24 (1)
函號	319 128

319-128

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



詩所序

吳興臧懋循藏庫

詩三百篇皆樂也古仲尼
束正樂之先詩之失所也
甚矣自衛反魯然後樂正
雅頌各得其所以然則其

詩所

序

RSI-P1E

始復亂泝洋之盈耳者伊
誰之功也哉繇斯以降作者
無慮百千萬之而撰定之
家寡著者無如蕭肅德施
左克明郭茂倩或摘小疵
而掩全辟玉或綜樂府而遺

聲身詩要以稱得所猶未也
明興北海馮汝之氏謁生平
之力包作者之林源六代
而極黃軒靡石披括於是
詩紀出焉而篇什浩繁詠
體錯雜幽子者童而習之

白首而莫得其端左司馬汪
伯玉言脫此易牙為政孰辨
淄澠良匪誣矣奈不自量間
取其書而宰割之首列樂
府次彙古詩析其疑滯
訂其謬舛補其漏佚刪其

重複都為五十二卷題曰
詩所庶使藝林之士隨
體以求詩因人而論世于以
採作述之源流宗旨術之
變化第品極之優劣掇辭
藻之菁英即不敢謂雅

言月
月
三
頌皆得沙去魯衛之塵而竊
于馮氏詩紀豈不濤乎輕重
正功乎書既成必有問余
瞿曇氏內典云之能取其旨
何以余曰此之為所有方所
也遊于方之內者也彼之為

所無方所也遊于方之外
者也參而論之則攬者不可
不知其所矩作者不可不
知其所規是之有無空相
不即不離之密因蓋詩之
與禪通也淵矣激矣無所

詩所
容五之矣客笑而退
萬曆癸卯夏五日書於青
溪客舍



詩所凡例

作者氏系爵里皆覈史傳書其要略冠於卷首使尚論者有考焉

樂府歌辭凡十一卷與左克明郭茂倩編次小異悉取裁於諸史樂志無敢以臆見出入

左郭鼓吹橫吹相和清商諸曲有緣本前辭擷句爲題者卽附注其後余以非樂府本題各于卷末別著雜擬附錄庶幾源委可尋無誤揚摧

詩紀有古逸篇名今自郊廟以至雜曲凡辭亡而題存者悉爲條列令與樂府並傳

歌謠及仙鬼諸詩間亦有比管絃者然上之不奏於公
庭下之不肄於伶官終非樂府正聲依鄭樵樂略題曰
樂府系

古諺古語本不屬詩但語涉褒刺者已入雜歌謠辭餘
難槩廢別爲一卷仍附其次

五言古詩微倣昭明文選分爲三十三卷大都取其題
相類者以次彙集使學者曉然知創體之原力追前範
其四言六言七言雜言騷體篇什匪多止依世代先後
各爲一卷

古人遺篇斷簡往往散見史籍如文王拘幽操陳思王
元會詩見太平御覽謝莊懷園引山夜憂見歙汪宗孝
家真跡視詩紀所載並多數句亦有同韻而詞義不屬
各韻而篇章不全者皆詳註本詩之下其餘並存闕文
卷不欲令一枝片玉有遺採掇

蘓若蘭氏璇璣圖詩自二言至七言具有諸體合之則
才情爛然析之卽有傷萃實別載第五十四卷以便尋
讀

賦中歌辭如班固明堂張衡思玄等篇詩紀已爲採入
至于諸賦有不盡錄者今一一裒輯作雜歌詩卷

卷內遺脫舛謬句字有載在史書及本集可攷者皆爲

改正或文理易省即云疑作某某餘唯仍舊以存闕疑之義

詩紀編集非出一人引用羣書頗多罣漏今所蒐括較舊稍詳然猶恨家乏藏書材非彊識隨有聞見旋為刊補自殺青以來定而復易者數矣故別為補遺一卷冀博雅君子垂示其闕以終余未逮之志

詩所凡例 終

金陵徐智督刻

詩所歷代名氏爵里

古

白帝子

太白之精也

皇娥

少昊母

唐

堯

姓伊祁氏名放勳帝嚳之子也始封於唐後遷於晉陽年二十一即帝位都平陽有子十人散宜氏之女曰女皇生丹朱嚳訟不可嗣乃舉舜而攝政焉避位二十八年凡百十八歲崩葬於穀林

被衣

王倪之師

許由

字武仲陽城槐里人也隱於沛澤堯以天下讓由不受逃去又召為九州長由惡聞之洗耳潁水濱遇其友巢父牽犢將飲以為汗也引犢上流飲之由卒葬於箕山

虞

詩所

名氏爵里

舜

姓姚氏名重華冀州人也耕於歷山漁於雷澤陶於河濱作什器於壽丘就時於負夏母曰握登死而父瞽瞍以繼室生象瞽瞍昵象常欲殺舜舜無所憾而事父母與弟日以篤謹堯聞其賢而舉之年三十徵庸五十攝政五十八即帝位都蒲阪五十二年南巡狩崩於蒼梧之野葬零陵有子九人娶堯二女曰娥皇女英女英生商均亦不肖以天下禪於禹

臯陶

姓偃氏字庭堅生於八伯曲阜堯禪舜命作士

夏

禹

姓姁氏名文命生於石紐長於西羌父鯀治鴻水九年不成舜極之羽山更舉禹作司空使續鯀業勞心焦思十三年而水土平帝錫之玄圭以告成功於天下攝政十七年即帝位都於韓十年東巡狩至會稽而崩年百歲

帝相

政出於羿終為所逐依夏同姓諸侯斟灌斟鄩氏在位二十八年

五子

太康之弟號五觀者關龍逢引黃圖以諫桀立而不去桀殺之

殷

微子

名啟紂之庶兄也周武王伐紂抱祭器造於軍門武王封之於宋以續殷祀

箕子

名胥餘紂之諸父或曰庶兄數諫紂不聽乃被髮佯狂而為奴

伯夷

伯夷名元字公信叔齊名致字公達孤竹君之二子也姓墨胎氏父欲立叔齊及父卒伯夷逃去叔齊亦不肯立而逃之武王伐紂伯夷叔齊叩馬而諫義不食周粟餓死於首陽山

周

太王

姓姬氏名亶父避狄難遷邑於岐下有子長曰太伯次曰虞仲太姜生少子季歷季歷娶太任生昌有聖瑞亶父欲立季歷以傳昌太伯虞仲知其意乃亾如荆蠻文身斷髮以讓季歷亶父卒謚古公及武王王天下追尊為太王

寺所

名氏爵里

二

季歷 謚公季武王追尊為王季

文王 名昌為西伯崇侯虎譖之紂囚西伯於羑里七年其臣闕天之徒求有莘氏美女驪戎文馬有熊九

駟他奇怪物以獻紂紂說乃赦西伯賜弓矢斧鉞始得專征伐徙都豐在位五十年崩年九十七葬於畢

武王 名發文王之次子也立十一年東觀兵至盟津而野紂兵倒戈以開周師遂克殷自豐徙都鎬封七十

一國兄弟之國十五人同姓之國四十人在位七年崩年九十三亦葬畢

成王 名誦武王子營洛邑為東都在位三十三年

穆王 名滿昭王子閔文武之道缺乃命伯冏申誠太僕作冏命甫侯脩刑辟作甫刑征犬戎得四白狼四

白鹿以歸目是荒服不至在位五十五年崩年百五歲

周公旦 文王子也佐武王克殷封於魯武王有疾公祝策於太王王季文王請以身代藏之金縢匱中

及武王崩而成王立公攝行政弟管叔蔡叔以武庚畔公與師伐之誅管叔放蔡叔居東二年初成王少時病公為禱河代王死藏祝策於府及還政人或譖公公奔楚成王發府見禱書乃泣反公公卒後秋未獲暴風雷雨禾偃木拔成王大恐與大夫朝服而開金縢書出郊天乃雨反風禾木盡起歲大熟於是命魯得郊祭文王魯有天子禮樂者以褒公之德也

尹伯奇 古甫之子

魯孔子 生魯昌平鄉陬邑其先宋人也父叔梁紇母顏氏徵在野合而禱於尼丘生孔子故名丘字仲

尼為兒嬉戲輒陳俎豆設禮容及長長九尺六寸人皆謂之長人而異之定公十年由中都宰為大司寇攝相事已而去魯斥於齊遂於宋衛困於陳蔡之間復反魯以詩書禮樂教弟子三千人身通六藝者七十有二人焉哀公十六年卒年七十三葬魯城北泗

曾參 字子輿南武城人孔子以為能通孝道故授之業作孝經

詩所

名氏爵里

三

子乘戶 子輿 孟子反 子琴張 並魯人

陶嬰 陶明之女 次室女

衛女

晉士蔿 字子輿周杜伯之子隰叔奔晉為士師故為士氏獻公之去桓莊之族及滅號皆蔿之計也

介子推 子一作之從晉文公去國及入羣臣多自以為功推耻之隱於綿上山中文公環山而封之以為推田號介山曰以記吾過且旌善人

舟之僑 故號臣城濮之役為戎右先歸而誅 優施

吳申叔儀 大夫

齊甯戚 戚一作越衛人也商於齊叩牛角而歌以干桓公桓公異之爵為上卿

晏嬰 字平仲萊之夷維人也長不滿六尺事齊靈公莊公景公國有道即順命無道即衡命以此三世

名諸侯

杞梁妻

犢沐子 一作牧犢子處士

馮驩 驩一作煖子孟嘗君客

宋伯姬保母

華元 宋戴公子考父食采於華故為華氏世為宋卿

何氏 宋康王舍人韓憑之妻

莊周 蒙人也為漆園吏遺世自放終身不仕

楚優孟

商梁

卞和 陵陽侯

申包胥 楚大夫王孫也

江上漁父

扈子 樂師

陸通 字接輿昭王聞其賢而聘之通逃去隱蜀峩眉山壽數百歲俗傳以為仙

屈原 名平楚之同姓也為懷王左徒博聞彊志嫻於辭令王甚任之上官大夫害其能讒之王王怒而疏

寺所

名氏爵里

四

言所
平於是作離騷離騷者猶離憂也及懷王死秦子頃襄王立復爲令尹子蘭所譖放於江濱乃懷石自投汨羅而死

宋玉 屈原弟子

王子 名無虧

孺子

越人

汨羅土人

越王夫人

采葛婦

趙女娟

河津吏之女爲簡子夫人

趙幽繆王遷

初任大將李牧屢却秦師七年誅牧以趙忽代之忽敗降秦八年而邯鄲滅

燕荆軻

其先齊人徙衛謂之慶卿之燕謂之荆卿好讀書擊劍日與善擊筑者高漸離飲於燕市酣歌

而泣旁若無人處士田光先生薦之太子丹遣刺秦王不中死於咸陽官

秦始皇帝

姓嬴氏名政年十三歲立二十六年并六國卽帝位三十七年南遊還至沙丘平臺崩葬

鄴山

百里奚妻

屠門高 秦倡

琴女

楊朱 老子弟子

商陵牧子

祝牧

伯牙

漢

高帝

姓劉氏名邦字季沛豐邑中陽里人初爲泗水亭長由沛公起兵破秦封漢王將五諸侯滅楚平定

天下卽帝位都長安在位十二年葬長陵

武帝

名徹景帝中子建元元光元朔元狩元鼎元封各六年太初天漢太始征和各四年通在位五十四

詩所

名氏等里

五

言所 年葬茂陵

昭帝 名弗陵武帝少子母趙婕妤號鈞弋夫人孕十四月而生帝年八歲即位始元元鳳各六年元平元年通在位十三年葬平陵

靈帝 名宏河間孝王開曾孫封解瀆亭侯桓帝崩竇武迎立建寧四年熹平光和中平各六年通在位二十二年葬文陵

趙幽王友 高帝子初封淮陽王高后殺趙王如意徙封趙以諸呂女為后不愛諸呂女讒之高后召置邸令衛圍守之不得食而死

朱虛侯章 齊悼惠王肥次子高后元年入宿衛封朱虛侯文帝二年以誅呂產功封城陽王

淮南王安 厲王長子文帝時封為淮南王好書鼓琴招致賓客方術之上後為反謀事覺武帝使宗正以符節治安未至安自刑

梁孝王武 文帝子也梁既大國居天下膏腴地又竇太睢陽城大治宮室為復道屬於平臺三十餘里招延豪傑自山以東游士莫不至焉後以謀為漢嗣遣人陰刺殺議臣袁盎等景帝覆案其事益疏王忽忽不自得而薨

燕刺王旦 武帝第三子衛太子敗齊懷王薨旦自以次第當立上書求入宿衛武帝惡之遂立少子

廣陵厲王胥 武帝第四子逸遊無度故不得為漢嗣及宣帝立坐巫鬼祝詛以殺自絞死

廣川王去 一名去疾繆王齊子殿門有成慶畫短衣大誇長劔去好之作七尺五寸劔被服皆效焉

東平憲王蒼 光武子少好經書嘗與公卿共議定制度及宗廟登歌佾舞明帝甚重之

弘農王辯 靈帝子即位改元光熹虎賁中郎將袁術攻宦者張讓段珪等劫帝走小平津尚書盧植

寺斤

名氏得里

六

斬讓珪迎還宮改元昭寧尋為并州牧董卓所廢鳩

唐山夫人

高帝姬姓唐山氏戚夫人高帝姬定陶人也

烏孫公主

名細君江都王華容夫人燕王旦夫人

趙飛燕

本長安宮人屬陽阿主家學歌舞號曰飛燕成帝過主作樂見而說之召入大幸由婕妤立為后顯寵十餘年後廢徙北宮自殺

班婕妤

左曹越騎校尉况之女少有才學成帝選入宮以為婕妤趙飛燕譖其祝詛遂求養太后長信宮帝崩後克奉園陵

唐姬

弘農王妃

項籍

字羽沛國下相人其先世為楚將秦亂起兵自稱西楚霸王經營天下五年為漢高帝所滅

四皓

名秉襄邑人二曰舟里先生亦作祿里太伯之後

姓周名術字元道京師號為霸上先生三曰綺里季亦作綺李姓綺里字季也或云姓朱名暉字文季四

曰夏黃公姓崔名廣字少通齊人隱居夏里脩道因號夏黃公或云名鄒鄒越人又云皆河內軹人也亦

在汲秦始皇時隱藍田山已乃共入商雒地肺山以待天下定高帝聞而徵之不至

韋孟

魯國鄒人也家本彭城為楚元王傅及子夷王孫王戊戊荒淫不遵道孟去位徙家於鄒

東方朔

字曼倩平原厭次人武帝時待詔公車以詆諆自見稍得親近累遷大中大夫給事中

杜周

南陽杜衍人官至御史大夫初為廷尉史有一馬及久任事列三公兩子夾河為郡守家訾累巨萬

治皆酷暴唯少子延年寬厚云

王温舒

馮翊陽陵人

咸宣

揚人官數廢數起為御史及中丞幾二十年遷左內史時王温舒為中尉並以殘酷為能

公孫賀

字子叔北地義渠人武帝為太子時賀為舍人及即位遷太僕至丞相引拜不受印綬頓首涕

寺所

名氏實里

七

泣曰臣以鞍馬騎射為官材不任宰相帝與左右皆為悲感後為陽陵朱安世誣以巫蠱事死於獄

衛青

字仲卿父鄭季河東人也以縣吏給事平陽侯世家與衛媼通生青有同母姊子夫得幸武帝故青冒姓衛氏為建章監侍中數擊匈奴有功拜大將軍進長平侯

霍去病

大將軍衛青姊子也善騎射為票姚校尉數征匈奴有功封冠軍侯歷票騎將軍大司馬其卒也武帝悼之發屬國玄甲軍為起塚象祁連山焉

路博德

西河平州人以衛尉為伏波將軍破南越封邳離侯後坐法遷彊弩都尉屯居延卒

枚乘

字叔淮陰人初為吳王濞郎中王怨望謀為逆乘諫不聽去之梁從孝王游景帝聞其名召為弘農都尉尋病免復遊梁武帝初以安車蒲輪徵道死

司馬相如

字長卿成都人以訾為郎事景帝為武騎常有消渴病既免家居茂陵帝聞其病甚使所忠往取其遺書而相如已卒其妻獻封禪書一篇

鄒子樂

石慶

先趙人也徙居溫起家內史歷太僕御史大夫進位丞相封掖丘侯時武帝方事遠畧脩封禪九卿更進用事不關決丞相慶醇謹而已

兒寬

千乘人也從孔安國受尚書貧無資用常為弟子都養時行賃作帶經而鉏休輒誦讀射策補廷尉文學卒史歷左內史拜御史大夫在位九年卒

蘇武

字子卿京兆人武帝天漢二年以中郎將使匈奴十九年不屈節昭帝時與匈奴和親得歸漢拜為典屬國宣帝神爵二年卒

李陵

字少卿廣之孫也為騎都尉天漢中將步卒五千擊匈奴轉鬪矢盡遂降虜單于以女妻之立為右校王昭帝初霍光遣其故人隴西任立政往招之陵數循其髮荅曰丈夫不能再辱在匈奴二十餘年死

周建德

太常

劉安國

宗正

詩所

名臣錄

八

徐自爲

光祿勳

壺充國

大鴻臚

張成

大司農

李成信

右扶風

陳掌

詹事

郭舍人

幸倡

李延年

中山人故倡也坐法腐刑給事狗監中善歌能為新變聲以女弟李夫人得幸於武帝貴為協

律都尉

楊惲

字子幼華陰人宣帝時以發霍氏反謀封平通侯遷中郎將與太僕戴長樂相失長樂上書告惲罪免為庶人後坐怨望誅

韋玄成

字少翁孟六世孫以明經擢為諫議大夫遷大河都尉後襲父賢爵為扶陽侯累遷太常坐楊

惲黨免

息夫躬

字子微河陽人哀帝初與孫寵誣構東平王雲祠祭祀詛事擢左曹給事封宜陵侯歷詆公卿

上疏論事語皆險譎丞相御史奏躬罪過免官繫詔獄仰天大呼絕咽而死

劉向

字子政初名更生以宗室儒行脩飭擢諫大夫元帝初拜散騎宗正給事中與太傅蕭望之等同心輔政數奏封事官弘恭石顯共譏毀之廢十餘年及成帝立復進用為光祿大夫更名向時元舅王鳳為大將軍秉政兄弟貴盛向書數十上譏刺王氏其言多痛切發於至誠帝每欲用向輒為王氏所持故終不遷卒年七十二

馬援

字文淵扶風茂陵人建武時為伏波將軍征交趾封新息侯後征武陵蠻卒於軍

梁鴻

字伯鸞平陵人家貧尚節介與妻孟光隱居霸陵山中後東出關適吳易姓運期名耀依臯伯通廡下潛閉著書十餘篇卒葬要離塚傍

孔子豐

孔子之後也以學行聞拜高第御史遷黃門侍郎典東觀事

班固

字孟堅扶風安陵人建初中除蘭臺令史遷玄武司馬母憂去官大將軍竇憲征匈奴以為中護軍

詩

名氏錄

九

後憲敗洛陽令种兢捕固死獄中

王吉

虎賁郎

史游

黃門令

傅毅

字仲武扶風茂陵人為蘭臺令史與班固賈逵共典校書後為寶憲記室遷司馬

崔駰

字季伯涿郡安平人少遊太學與班固傅毅齊名寶憲為車騎將軍辟駰為掾憲擅權驕恣駰數諫之稍見疎出為長岑長不就卒於家

張衡

字平子南陽西鄂人安帝時徵為郎中遷太史令順帝陽嘉中遷侍中宦官懼其毀已共譏之出為河間王相徵拜尚書卒

李尤

字伯仁廣漢雒人少以文章顯名和帝時拜蘭臺令史後為諫議大夫遷樂安相

馬融

字季長扶風茂陵人起家校書郎中典東觀著述歷官武都南郡太守高才博洽為世通儒常坐華堂施絳紗帳前授生徒後列女樂弟子次以調作鮮有入其室者初以奏廣成頌忤大將軍鄧騭滯於東

觀十年不得調自是不敢復違勢家遂為梁冀草劾李固疏又作大將西第頌清論鄙之

朱穆

字叔南陽宛人大將軍梁冀辟典兵事遷御史數奏記諫冀出為冀州刺史發宦者趙忠父塚陳其尸桓帝遠詣廷尉大學生劉陶等守闕訟穆得免徵拜尚書中官數因事稱詔詆毀之憤懣發疽卒

崔瑗

字季玉駰中子早孤好學能傳父業歷官濟北相為杜喬所劾徵詣廷尉上書得理出會病卒

王逸

字叔師南郡宜城人元初中舉上計吏為校書郎累遷侍中

桓麟

字元龍沛郡龍亢人高彪字義方吳郡人博覽經史善屬文

蔡邕

字伯喈陳留圉人建寧中辟司徒橋玄府出補河平長徵拜郎中校書東觀遷議郎靈帝崩董卓為司空辟邕遷尚書侍中及卓誅王允收邕付廷尉死於獄

趙壹

字元叔漢陽西縣人光緒元年舉郡上計司徒袁逢河南尹羊陟共稱薦之名動京師及西還州郡爭致禮命十辟公府並不就終於家

寺所

名氏爵里

十

鄧炎 字文勝范陽人有文才尚志氣靈帝時州郡辟命皆不就後風病恍惚性至孝遭母憂病甚發動妻始產而驚死妻家訟之炎病不能理對死獄中

仲長統 字公理山陽高平人博涉書記贍文辭尚書荀彧舉為郎參丞相曹操軍事獻帝遜位之歲卒

孔融 字文舉魯國人少有重名舉高第為侍御史遷虎賁中郎將以忤董卓出為北海太守累遷太中大夫數以書諍曹操為操所害

侯瑾 字子瑜敦煌人少好學孤貧恒傭作為資暮還輒難柴誦讀州郡累召公車有道徵並不就西河人重其才稱侯君而不名

秦嘉 字士會隴西人

應亨

辛延年

宋子侯

陳留老父

白狼王唐敢

虞美人 項王姬

卓文君 臨邛卓王孫女司馬相如妻也

王昭君 名嬀漢宮人元帝時匈奴入都以嬀配之號寧胡閼氏

蔡琰 字文姬邕之女也博學有才辯適河東衛仲道夫亡無子歸寧於家與平中天下喪亂為胡騎所獲沒於南匈奴左賢王在胡中十二年生二子曹操痛邕無嗣遣使者以金璧贖之重嫁陳留董祀

徐淑 秦嘉妻

蘇伯玉妻

竇玄妻

麗玉 翟里子高妻

蜀漢

諸葛亮 字孔明瑯琊陽都人先主三顧之隆中以為軍師將軍拜丞相章武三年先主崩於永安受遺命輔後主建興十二年北征卒於渭濱

龐德公 南郡襄陽人也居峴山之南未嘗入城府荊州刺史劉表數延請不能屈後携妻子隱於鹿門

詩序

名氏將見

十一

山司馬德操年小十歲兄事之故呼為龐公

魏

武帝

姓曹氏名操字孟德沛國譙人舉孝廉為郎歷位丞相封魏王子丕代漢追謚武帝

文帝

名丕字子桓武帝長子八歲能屬文建安十六年為五官中郎將二十五年嗣位丞相魏王受漢禪稱帝改元黃初在位七年

明帝

名叡文帝子黃初七年立為皇太子即帝位太和六年青龍四年景初三年通在位十三年

高貴鄉公

名髦字彥士文帝孫也初封高貴鄉公齊王芳廢迎即位正元二年甘露五年通在位七年時威權在司馬氏公不勝忿拔劍升輦帥殿中宿衛出討之為太子舍人成濟所殺

陳思王植

字子建文帝同母弟也十歲餘誦讀詩論及辭賦數十萬言善屬文建安十六年封平原侯尋徙臨淄文帝即位命諸侯各就國黃初二年貶安鄉侯徙鄆城三年立為鄆城王四年徙雍丘明帝

太和元年改封浚儀三年復還雍丘五年徙東阿六年加封陳王薨年四十一

楚王彪

字朱虎武帝孫姬所生也建安二十一年封壽春侯黃初三年封吳王七年徙白馬太和六年改封楚嘉平元年太尉王凌謀迎彪都許昌凌敗彪自殺

甄后

本袁紹中子熙之妻也武帝破紹文帝時為五官將納為夫人生明帝後為郭后所譖賜死後宮

王粲

字仲宣山陽高平人善屬文舉筆便成時人常以為宿構獻帝西遷之荆州依劉表表以粲貌寢通

悅不甚重也武帝平荆州辟為丞相掾遷軍謀祭酒侍中朝廷制度奏議悉咨之從征吳道病卒

陳琳

字孔璋廣陵人初為何進主簿進召董卓等引兵向京城誅宦官琳諫不納竟敗避難冀州袁紹使

典文章武帝克紹辟琳與阮瑀並為司空軍謀祭酒管記室軍國書檄多琳瑀所作也徙門下督與王粲徐幹應瑒劉楨並於建安二十二年卒

徐幹

字偉長北海人聰識洽聞為武帝司空軍謀祭酒掾屬五官將文學所著中論二十餘篇行於世

詩所

名氏詩里

十二

劉楨

字公幹東平人武帝辟為丞相掾屬文辭巧妙特為諸公子所親愛文帝為太子時嘗宴諸文學酒酣命夫人甄氏出拜坐中咸伏楨獨平視武帝聞之收楨減死輸作刑竟署吏

應瑒

字德璉汝南人祖奉伯父劭皆博學有著述為武帝丞相掾屬轉平原侯庶子五官將文學

阮瑀

字元瑜陳留人武帝辟為司空軍謀祭酒徙倉曹掾屬文帝與元城令吳質書稱元瑜書記翩翩致足樂也建安十七年卒

邯鄲淳

一名竺字子淑博學有才初平中從三輔客荆州荆州内附武帝素聞其名召見甚敬異之時五官將博延英儒啟淳使在文學臨淄侯植亦求淳武帝遣淳詣植黃初初遷博士給事中

繁欽

字休伯文才機辯少得名於汝穎為丞相主簿建安二十三年卒

繆襲

字熙伯東海蘭陵人有才學多所敘述官至侍中尚書光祿勳歷事魏四世正始六年卒

杜摯

字德魯河東人初署軍徒軍謀吏後舉孝廉除郎中轉補校書

吳質

字季重濟陰人以文才為文帝所善官至振威將軍督河北諸軍事太和四年入為侍中卒

毋丘儉

字仲恭河東聞喜人初為平原侯文學累遷荆州刺史徙幽州討公孫淵定遼東封安邑侯又討高句驪有功遷鎮東將軍都督揚州與刺史文欽矯太后詔討大將軍司馬師兵敗遇害

何晏

字平叔南陽宛人尚主好色黃初時無所事任正始中曹爽用為中書典選舉宿舊多不得濟拔為司馬懿所誅

左延年

黃初中以新聲被寵

應璩

字休璉瑒之弟博學好屬文明帝時歷官散騎常侍齊王即位稍遷侍中大將軍長史曹爽多違法度璩為詩以諷其言雖諧然頗切時要嘉平四年卒

程曉

字季明東郡東阿人以祖昱功襲封安鄉侯嘉平中為黃門侍郎遷汝南太守

焦先

字季然河東人常采白石熟煮如芋食之日入山伐薪以施人魏受禪結草為廬於河之湄獨止其

詩所

名氏爵里

十三

中太守董經往視之不肯語經益以為賢忽老忽少後與人別去不知所適

嵇康

字叔夜譙郡絳人好言老莊尚奇任俠寓居山陽以鍛自給與魏宗室婚拜中散大夫山濤為吏部舉康自代康答書絕交言不堪流俗非薄湯武大將軍司馬昭惡之景元三年為鍾會所譖被殺

嵇喜

字公穆康之兄舉秀才歷揚州刺史

阮籍

字嗣宗陳留尉氏人瑀之子容貌瓌傑志氣宏放初辟太尉掾遷散騎常侍大將軍司馬昭欲為子炎求婚籍醉六十日不得言而止後引為從事中郎聞步兵厨多美酒遂求為步兵校尉縱飲昏酣遺落世事對人能為青白眼禮法之士深所讐疾大將軍常保持之

阮德如

或云名侃字德如尉氏人衛尉卿共之子有俊才而飭以名理風儀雅潤與嵇康友善官至河

應瑗

內太守

秦宓

郭遐周

郭遐叔

叔一作卿

鍾夫人

名琰之太傅繇之孫司徒王渾之婦也

吳

孫皓

字元宗一名彭祖大帝權之孫也景帝休崩嗣位元興甘露各一年天紀四年通在位十六年為晉所滅

韋昭

字弘嗣吳郡雲陽人少好學能屬文官至中書僕射職省為侍中常領左國史撰吳書皓欲為父和作紀昭執以和不登帝位宜名為傳皓怒收付獄誅

薛瑩

字道言沛郡竹邑人綜之子初為秘府中書郎景帝時為散騎中常侍以病免孫皓初遷選曹尚書及立太子領少傅坐督鑿聖谿事徙廣州尋召還為左國史入晉為散騎常侍太康三年卒

朱異

字季文吳郡吳人有雋才與同郡張純張儼俱童少往見從父驃騎將軍朱據令即席各賦一物隨

詩

名氏錄

十四

詩所

各以實里

一四

目立成代父桓為騎都尉領兵以擊破魏廬江太守文欽七屯功遷揚武鎮南將軍後為孫琳所害

張純

張儼

晉

宣帝

姓司馬氏名懿河內溫縣人歷事魏武帝文帝明帝後輔齊王為太傅相國封公及孫炎受魏禪位追尊為宣帝

左貴嬪

名芬思之妹少好學善綴文武帝聞而納之泰始八年拜脩儀後為貴嬪姿陋無寵以才德見禮每有方物異寶必詔為賦頌以是屢獲恩賜焉

荀勗

字公曾潁川人初辟魏大將軍曹爽掾武帝受禪封濟北郡公領著作祕書監太康中遷尚書令

張華

字茂先范陽人武帝代魏為黃門侍郎贊伐吳有功封廣武侯遷尚書侍中中書監加封公元康六年拜司空為趙王倫孫秀所害

成公綏

字子安東郡白馬人少有俊才文辭甚麗張華重之薦為太常博士歷祕書郎遷中書郎母與華受詔並為詩賦泰始九年卒

傅玄

字休奕北地泥陽人博學善屬文舉秀才晉王時為常侍及受禪進爵為子武帝初置諫官以玄為之遷侍中轉司隸校尉免官卒於家追封清泉侯

裴秀

字季彥河東聞喜人有風操能文大將軍辟為掾遷黃門侍郎晉受禪封鉅鹿公拜左光祿司空

賈充

字公問平陽襄陵人達之子仕魏累遷中郎將後為文帝大將軍司馬武帝受禪封魯郡公轉尚書令無公方之操專以佞媚取容守正之士咸共疾之轉司空太尉

應貞

字吉甫魏侍中璩之子舉高第武帝踐阼遷給事中初置太子中庶子以貞為之後為散騎常侍

劉伶

字伯倫沛國人放情肆志悠然獨暢嘗為建威參軍泰始初對策盛言無為之化時輩皆得高第唯伶以無用罷竟以壽終

詩所

各以實里

十五

王濬

字士治弘農湖入初辟河東從事歷益州刺史以

棗據

字道彥潁川長社人善文辭弱冠辟大將軍府出
還徙黃門侍郎冀州刺史太子中庶子

何劭

字敬祖陳國陽夏人司空曾之子博學善屬文武
帝踐阼以為散騎常侍永康初遷司徒趙王倫篡
位以為太宰永寧元年卒襲封朗陵郡公

王濟

字武子太原晉陽人渾之子少有逸才善莊老文
詞秀茂有名當世武帝時尚常山公主起家中書
郎至侍中終於太僕

李密

字令伯犍為武陽人仕蜀為郎晉平蜀徵為太子
洗馬以祖母劉氏年高上疏陳情及劉終復以洗
馬出為溫令密有才能常冀內轉而朝廷無援遷漢
中太守賜餞東堂賦詩坐然望免官卒於家

皇甫謐

字士安安平朝那人博綜典籍沉靜寡欲有高
尚之志以著述為務自號玄晏先生郡國舉辟

竝不就武帝頗下詔敦逼之謐上表辭太康三年卒

束皙

字廣微陽平元城人漢疎廣之後也博學多聞性
沉退不慕榮利為王戎張華輩所辟用轉著作郎
博士遷尚書郎趙王倫為相請為記室辭疾免歸

司馬彪

字紹統高陽王睦之子少薄行為睦所責不得
嗣由是專清學習博覽羣籍泰始中為秘書郎
遷散騎侍郎惠帝末卒

傅咸

字長虞玄之子也剛簡有大節風格峻整識性明
悟好屬文論雖綺麗不足而言成規鑒潁川使純
嘗歎曰長虞之文近乎詩人之作矣襲父爵拜太子
洗馬官至司隸校尉

杜育

字方叔襄城鄧陵人幼號神童及長美風姿有才
藻人稱杜聖累遷國子祭酒洛陽將沒死於難

摯虞

字仲治京兆長安人才學通博舉賢良歷光祿勳
太常卿及洛京荒亂以餒卒

牽秀

字成叔武邑觀津人太康中調補新安令累遷司
空從事中郎惠帝西幸拜平北將軍守關中為河

詩所

名氏

十六

間王顓長史楊騰所殺

陸機字士衡吳郡人吳大司馬抗之子也少有奇才領父兵為牙門將吳亡入洛太傅楊駿辟為祭酒累

遷太子洗馬著作郎出補吳王郎中令入為尚書郎

趙王倫輔政引為參軍太安初成都王穎等起兵討

長沙王又假機後將軍河北大都督戰敗為宦人孟

玖譖殺

陸雲字士龍少與兄機齊名吳平入洛刺史周浚召為從事公府掾太子舍人出補浚儀令後拜吳王郎

中令成都王穎表為清河內史屢以正言忤旨機敗

并見害

孫拯字顯世吳郡富春人能屬文吳黃門郎入晉為涿令陸機被誣收拯考掠死於獄

潘岳字安仁滎陽中牟人美姿儀少以才穎著名善屬文清綺絕世舉秀才為郎遷河陽懷一縣令入補

尚書郎累遷給事黃門侍郎素與孫秀有隙及趙王

倫輔政秀遂誣岳與石崇為亂被誅

潘尼字正叔少與從父岳俱以文章知名舉秀才為太常博士累拜太子舍人出為宛令入補尚書郎齊

王罔起義兵引為參軍事平封安昌公歷中書令永嘉中遷太常卿

夏侯湛字孝若譙國人幼有盛才文章宏富善構新詞泰始中舉賢良拜郎中轉尚書郎出為野王令

惠帝立遷散騎常侍元康初卒

孫楚字子荆太原中都人少負才氣多陵傲為石苞驃騎參軍初至長揖曰天子命我參卿軍事因此構

隙湮廢積年後扶風王駿起為征西參軍遷衛軍司

馬惠帝初拜馮翊太守卒

石崇字季倫渤海人初為城陽太守伐吳有功封安陽鄉侯累遷侍中出為南中郎將荆州刺史領南蠻

校尉致富不貲後拜太僕衛尉有愛妓綠珠孫秀使人求之不得遂勸趙王誅族其家

歐陽建字堅石渤海人石崇甥為馮翊太守趙王倫之為征西撓亂關中建每匡正不從私欲迎楚王

偉立之由是有隙會石崇勸淮南王誅倫未行事覺

倫收崇建及母妻無少長見害

周處字子隱義興陽羨人仕吳為東觀左丞入晉為新平廣漢二郡太守遷楚內史徵拜御史中丞凡所

糾劾不避寵戚及氏人齊萬年反朝臣惡其彊直使
隸夏侯駿西征時萬年屯梁山有衆七萬駿逼處以
五千兵擊之絕其後繼戰沒

左思

字太冲齊國臨淄人徵爲秘書郎齊王冏命爲記
室辭疾不就以疾終

張翰

字季鷹吳郡人儼之子有清才縱任不拘時人號
爲江東步兵齊王冏辟爲東曹掾謂同郡顧榮曰
有四海之名者求退良難遂棄官歸以疾終於家

張載

字孟陽安平人博學有文章起家佐著作郎累遷
弘農太守長沙王又請爲記室督拜中書侍郎復
領著作稱疾歸卒

張協

字景陽與兄載齊名辟公府掾轉秘書郎累遷中
書侍郎河間內史時天下已亂遂屏居草澤以屬
咏自娛終於家

董京

字威輦初與隴西計吏至洛陽被髮而行逍遙吟
詠常宿白社中乞食於市後數年避去不知所之

曹嘉

魏楚王彪世子封常山真定王入晉封高邑公元
康中爲國子博士後爲東莞太守

曹攄

字顏遠譙國人篤志好學參南國中郎將遷高密
王左司馬流人王適等侵掠城邑軍敗死之

嵇紹

字延祖康之子十歲而孤事母孝累遷散騎常侍
惠帝敗於蕩陰百官左右皆奔散唯紹儼然端冕
以身衛帝兵交御輦飛箭雨集遂見害

嵇含

字君道紹從子也好學能屬文家鞏縣毫丘自號
毫丘子舉秀才除郎中惠帝初爲中書侍郎累官
至平越中郎將廣州刺史

王讚

字正長義陽人博學有俊才辟司空掾歷散騎侍
郎

阮修

字宣子陳留尉氏人好易老善清言瑯邪王敦引
爲鷹隼丞太子洗馬避亂南行爲賊所害

閻丘冲

字賓卿高平人清平有鑒識博學能文累遷太
傅長史光祿勳京邑未潰乘車出遇賊見害

王浚

字彭祖母趙氏良家女也貧賤出入博陵公王沉
家遂生浚沉卒子浚嗣拜駙馬都尉累遷中郎

詩所

名臣贊

十一

將都督幽州諸軍事因亂結好夷狄擁眾自立懷帝即位增封日以疆盛謀將僭號石勒詐而殺之

棗腆

字玄方據之子以文章顯永嘉中為襄城太守

劉琨

字越石中山人少以雄豪著名永嘉初為并州刺史建興二年加大將軍都督并州三年進司空四年其長史以并州叛降石勒琨奔薊段匹碑因與結婚約共戴晉室元帝渡江復加大尉封廣武侯後其子羣與匹碑有隙遂被害

盧諶 字子諒范陽人好老莊善屬文選尚武帝榮陽公主為劉琨生簿轉從事中郎琨為段匹碑所殺諶投段末波後為石季龍所獲官至中書監屬冉閔誅石氏因遇害

郭璞

字景純河東聞喜人文章冠一時尤妙於陰陽筭歷卜筮之術王導引為參軍補著作佐郎遷尚書郎以母憂去王敦起為記室參軍敦謀逆使筮璞曰無成壽且不久敦怒收斬之及敦平贈弘農太守

葛洪

字稚川丹陽句容人少以儒學知名尤好神仙導養之法元帝辟為掾以功賜爵關內侯遷散騎常侍領大著作不就從祖玄吳時號曰仙公有鍊丹秘法洪盡得之乃求為勾漏令以就丹砂年八十一坐而卒顏色如生世以為尸解

王鑿

字茂高堂邑人濬之子必以文筆著稱為元帝郎會弋巴平拜駙馬都尉奉朝請出補永興令

楊方

字公回少好學有異才司徒王導辟為掾轉東安太守遷司徒參軍事出補高梁太守以年老棄郡歸終於家

于寶

字令升新蔡人也起家著作郎以家貧求補幽陰令遷始安太守王導請為司徒左長史嘗撰集古今神祇靈異人物名搜神記以示劉惔惔曰卿可謂鬼之董狐

李文

字弘度江夏人辟丞相王導掾除剡縣令後為大著作郎累遷中書侍郎

梅陶

字叔真汝南西平人初為王敦咨議參軍敦賧王導將收之以有惠於陶侃得免官至尚書

詩所

名氏得已

十一

庾闡

字仲初潁川鄆陵人九歲能屬文為西陽王掾累遷尚書蘇峻之難出奔郗鑒為司空參軍峻平召為散騎侍郎出補零陵太守入湘川為辭以吊留原文士稱之徵拜給事中領著作

桓溫

字元子譙國龍亢人宣城太守彝之子也少為溫嶠所賞故名溫豪爽有風槩選尚南康公主除郗邪太守累遷徐州刺史永和二年進安西將軍伐蜀平之封臨賀郡公升平中改封南郡太和四年北伐燕為慕容垂所敗溫久懷異志欲立功河朔以殺特望及枋頭之役威名頓挫乃廢帝為海西公而立簡文帝以丞相大司馬留鎮京師寧康元年諷朝廷加九錫文未成而卒謚曰宣武

謝尚

字仁祖陳郡人累遷尚書僕射出督江淮歷陽揚豫諸軍事進鎮西將軍桓溫請為司州都督以疾不行卒於歷陽

袁宏

字彥伯小字虎陳郡人有逸才謝尚引為參軍累遷大司馬桓溫府記室後以吏部郎出為東陽太守卒於官

習鑿齒

字彥威襄陽人博物洽聞以文章著稱桓溫辟為從事累遷別駕出補滎陽太守以脚疾歸及符堅陷襄鑿齒與桑門釋道安云昔晉氏平吳利在二陸今破漢南得士裁一人有半耳尋襄鄧反正朝廷欲召典國史會其卒

顧愷之

字長康晉陵無錫人博學有才氣尤工丹青圖寫特妙桓溫引為大司馬參軍後為殷仲堪參軍義熙初拜散騎常侍俗傳愷之三絕謂才絕畫絕癡絕也

袁喬

字彥升小字羊陳郡人歷尚書郎江夏相從桓溫平蜀封相西伯益州刺史

謝安

字安石尚從弟也寓居會稽放情山水累辟不就年四十餘出為征西大將軍桓溫司馬出補吳興太守徵拜侍中累遷尚書僕射領吏部揚州刺史和靖鎮物威懷大著人以比於王導而文雅過之以破符堅功進太保薨贈太傅封廬陵郡公

謝萬

字萬石安之弟少有儁才雖器量不及兄而善自衛曜辟司徒掾遷右西屬不就簡文帝作相召為

詩

名氏爵臣

二十

言所
撫軍從事中郎萬著白綸巾鶴髦裘履版而前與帝
共談移日再遷豫州刺史領淮南太守北伐矜豪傲
物未嘗撫衆竟以潰敗

謝朗 字長度小字胡兒安次兄據之長子文義豔發名
亞於玄仕至東陽太守

孫統 字承公與弟綽並任誕不羈而善屬文時人以爲
有祖楚風爲鄞令轉吳寧居職遊肆山水未嘗以
政務留心後爲餘姚令卒

孫綽 字興公爲庾亮參軍殷浩建威長史王羲之右軍
長史轉永嘉太守遷散騎常侍廷尉卿

孫嗣 與父綽文章相亞官至中軍參軍早卒

王羲之 字逸少瑯邪臨沂人善書爲古今之冠征西將
軍辟爲參軍累遷江州刺史右軍將軍會稽內

史與揚州刺史王述不協稱疾去郡於父母墓前自
誓朝廷以其辭苦不復徵也

王玄之 羲之長子蚤卒

王凝之 字叔平羲之第二子亦工草隸歷江州刺史左
將軍會稽內史孫恩寇會稽遇害

王肅之 字幼恭羲之第四子歷中書郎驃騎咨議

王徽之 字子猷羲之第五子性卓犖不羈爲大司馬桓
溫參軍又爲車騎桓冲騎兵參軍蓬首散帶不
綜府事後遷黃門侍郎棄官東歸先有背疾聞弟獻
之喪潰裂而卒

王獻之 字子敬羲之第七子也草隸骨力不及父而頗
有媚趣才器高邁風流爲一時之冠起家州士
簿秘書丞選尚新安公主除建威將軍吳興太守徵
拜中書令卒於官

郝曇 字重熙高平金鄉人太尉鑒之孫也簡文帝爲撫
軍引爲司馬除北中郎將領徐兗二州刺史

庾友 字惠彥小字玉臺潁川鄢陵人歷中書郎東陽太
守

桓偉 榮陽人或云譙國龍亢人玄之兄也玄爲荊州以
偉爲冠軍將軍後加安西將軍荊州刺史

袁嶠之 陳郡人或作袁嶠字彥叔桓溫引爲廣陵相遷
江夏相勸溫伐蜀進號龍驤將軍

王彪之

字叔虎導之從子也年二十鬚鬢皓白初除著作郎遷吏部尚書後為鎮軍將軍會稽內史徵拜尚書令太元二年卒

李顥

充之子有文義多所著述郡舉孝廉

許詢

字玄度高陽人總角秀慧眾稱神童長而風情簡素辟司徒掾不就蚤卒

殷融

字洪遠陳郡人兄子浩能清言融與之談每屈退而著論融更居長為司徒左司屬累遷吏部尚書太常卿

郝隆

字佐治汲郡人仕至征西參軍

王珣

字元琳導之孫初為桓溫掾轉主簿以討袁真功封東亭侯孝武初徵拜尚書僕射領吏部嘗夢人以大筆如椽授之俄而帝崩哀策謚議皆珣所草遷尚書令加散騎常侍以疾解職卒

王珣

字季琰小字僧彌珣之弟也歷官國子博士黃門侍郎代王獻之為中書令並有名譽世號獻之為

大令珣為小令

江道

字道載陳留圉人避亂臨海為蔡謨何充所引用以家貧求為太末令轉吳令殷浩謀北伐請為諮議參軍升平中累遷太常卒

曹毗

字輔佐譙國人魏大司馬休曾孫也少好文籍善屬詞賦郡察孝廉蔡謨舉為佐著作郎遷太學博士出為下邳太守以名位不至著對儒一篇以自釋累遷至光祿勳卒

劉恢

字道生沛國人識局明濟有文武才為車騎司馬

袁山松

喬之孫博學有文章善音樂每出遊好令人作挽歌人謂道上行殯後為吳郡太守孫恩作亂山松守滬瀆城城陷被害

桓玄

字敬道一名靈寶溫孽子也襲父爵為江州刺史矯詔加封楚王尋篡位劉裕等起義兵討殺之

殷仲堪

陳郡人能清言每云三日不讀道論便覺舌本間彊初為謝玄長史領晉陵太守孝武帝召拜

太子中庶子遷荊州刺史鎮江寧安帝時改廣州為桓玄所執逼令自殺

殷仲文

字仲文少有才藻從兄仲堪薦之會稽王道子引為諮議參軍左遷新安太守桓玄為亂仲文以謀反伏誅

謝混

字叔源小字益壽安之孫也選尚晉陵公主官至中領軍尚書左僕射坐與劉毅善誅

吳隱之

字處默濮陽鄆城人解褐輔國功曹累遷晉陵太守隆安中為廣州刺史其地有石門貪泉飲者輒懷無厭之欲隱之至泉所酌而飲之在任清操

宗炳

字少文南陽涅陽人以孝聞刺史殷仲文並辟主簿不就廬山釋惠遠結白蓮社其間瞻望尤著者號社中十八賢炳其一也

徐廣

字野民東莞姑幕人家貧好學未嘗改產業為意其妻中山劉謐女忿之數相讓廣不為改卜餘年家道日弊遂與廣離隆安中舉祠部郎累遷大司農秘書監年過八十猶歲讀五經一遍宋元嘉二年卒

劉毅

字希樂小字盤龍彭城沛人為州從事與劉裕等起義兵討桓玄為冠軍將軍玄平進衛將軍封南平郡公轉荊州刺史為裕所害

陶淵明

字元亮入宋名潛潯陽柴桑人太尉長沙公侃之曾孫少有高趣親老家貧起為州祭酒不堪吏職解歸躬耕自資隆安中為鎮軍參軍義熙元年遷建威參軍未幾求為彭澤令在縣八十餘日解歸暨入宋終身不仕卒顏延年誄之謚曰靖節徵士

王歛

瑯邪臨沂人為司徒右長史隆安初王恭起兵討國寶歛即聚眾應之及國寶死即以兵討恭恭遣劉牢之擊之敗走不知所在

曹茂之

字永世彭城人行參軍累遷尚書郎

沈玩

車騎參軍

謝繹

郡五官

熊甫

王敦參軍

徐豐之

行參軍

詩所

名氏贊

二十一

王豐之 行參軍

魏滂 郡功曹

虞說 鎮軍司馬

陶琬之 江州主簿

王齊之 瑯邪人

曹華 徐州西平人

庾蘊 潁川人

馬岌 酒泉太守

顧祕 字公貞 歷官交州刺史

王彬之

王蘊之

王康琚

湛方生

蘇彥

陸冲

江偉

范廣泉

卞裕

孔法生

張駿

字公庭 安定烏氏人 西涼牧寔之子 幼而奇偉 十歲能屬文 後嗣位大都督 大將軍 涼州牧 西平公

苻朗

畧陽臨渭氏人 堅之從子 性宏達 神氣爽邁 徵拜鎮東將軍 青州刺史 在任甚有聲績 晉淮陰太守

高素

代青州朗遣使詣謝玄於彭城 求降詔 加員外散騎侍郎 既至揚州 風流邁於一時 超然自得 多所

陵 忽王國寶 譖而殺之

王嘉

字子年 隴西安陽人 清虛服氣 不與世人交遊 石季龍末 至長安 隱終南山 符堅累徵 不赴 公卿已

下 咸往參詣 及姚萇入長安 禮之 如苻秦故事 尋為

萇所害 堅子登聞其死 設壇哭之 贈太師 謚文定公

趙整

字文業 一名正 洛陽清水平人 或云濟陰人 為苻秦妻妾 而無兒 時人皆謂之闕情度 敏達學兼內外 後

遂出家 事佛 更名道整

支遁

字道林 本姓關氏 陳留人 或云河東林慮人 幼有神理 聰明秀澈 隱居餘杭山 年二十五 出家入剎

於沃州 小嶺立寺 修道哀帝初 徵請出都 止東安寺

講道 行留三載 上書辭歸 收迹剎山 以太和元年終

詩所

名臣

二十四

惠遠 鴈門樓煩人本姓賈氏年二十一遇釋道安師事之研求法藏高悟冥曠襄陽既沒振錫南遊結宇匡廬自年六十不復出山八十三歲而終

鳩羅摩什

此云童壽天竺人苻堅遣其將呂光伐龜茲致之會堅為姚萇所害什留光所光死姚興西破呂隆迎什待以國師之禮終於長安晉義熙五年也

帛道猷

本姓馮氏山陰人居若耶山少以篇曠著稱性率素好丘壑一吟一詠有濠上之風

竺僧度

本姓王氏名晞字玄宗東莞人少孤獨與母居求同郡楊氏女名茗華未及成禮女父母繼人度母亦卒度觀世代無常乃捨俗出家女服畢自惟三從之義乃與度書并贈詩度亦為詩答之由是專精佛法不知所終

史宗

常著麻衣世號麻衣道士

張奴

廬山諸道人

廬山諸沙彌

綠珠

石崇妓也美而豔善吹笛孫秀使人求之崇不許乃勸趙王倫矯詔收崇崇方與潘岳歐陽建等宴樓上介十到門崇謂曰我今為爾得罪綠珠泣曰當效死官前自投於樓下而死

翔風

石崇婢魏末於胡中得之年十五無有比其容貌者尤以文辭擅愛年三十妙年者爭嫉之崇退為房老使主羣少焉翔一作翺

謝道韞

王凝之妻安西將軍奕之女也聰識有才辨聞疑之為孫恩所害抽刃出門手殺數賊自爾娶居會稽家門嚴肅世稱為謝夫人之法

桃葉

王獻之妾

謝芳姿

王珣婢

王氏

劉和妻

辛氏

傅充妻

李氏

陳新塗妻

蘇蕙

字若蘭苻堅安南將軍竇滔妻

茗華

楊德慎女

詩所

名氏

二十五

宋

文帝

姓劉氏名義隆小字車兒彭城綏輿里人武帝第二子先封宜都王徐羨之等廢少帝迎即位雅重文儒躬勤政事在位日久惟簡靜儉素為心政平訟理朝野悅睦江左所未有也元嘉三十年為子劭所弑

孝武帝

名駿字休龍小字道人文帝第三子封武陵王元凶劭弑逆舉兵誅劭即位孝建三年大明八年通在位十一年

明帝

名彧字休景小字榮期文帝第十一子封湘東王既佃夫等廢帝引即位泰始七年泰豫元年通在位八年

江夏文獻王義恭

武帝桓美人所生也元嘉中為司徒廢帝所殺

臨川康王義慶

武帝中弟長沙王道憐第二子也臨川王道規無子嗣封為丹陽尹尚書左僕射歷荆江南兖三州刺史性簡素寡嗜愛好文義足為宗室之表

南平穆王鑠

字休玄文帝第四子未弱冠擬古三十餘中及孝武入討鑠歸義最晚常懷憂懼而負才俊競每與兄弟計度藝能與帝又不能和食中遇毒薨

竟陵王誕

字休文文帝第六子先封隨郡王孝建中兖州刺史見帝猜忌屢欲北走不果為車騎將軍沈慶之所破死於廣陵

汝南王

王韶之

字休泰瑯邪臨沂人義熙中除著作佐郎領西省事轉中書侍郎武帝受禪加驍騎將軍文帝時出為吳郡太守徵拜祠部尚書復為吳興卒官

何承天

東海郟人少孤母徐氏廣之姊也博學故承天幼漸訓義該貫儒史宋臺建為尚書祠部郎與

傅亮撰朝儀元嘉初除著作郎典國史轉太子率更令御史承好奕善音樂文帝嘗以玉局子銀裝箏賜之

顏延之

字延年瑯邪臨沂人性疎淡不護細行而文章冠絕當世初為宋公豫章世子參軍及武帝受禪補太子舍人廬陵王待之甚厚執政以其構扇異同因帝崩出為始安太守文帝元嘉三年徵為中書侍郎復出守永嘉孝武初拜金紫光祿大夫時子竣貴重權傾一朝凡所資供延之一無所受器服宇宅如舊卒贈特進

謝莊

字希逸晉西中郎將萬之玄孫也文帝時為隨王誕記室遷太子中庶子孝武立除侍中歷吏部都官尚書明帝時加中書令金紫光祿大夫

傅亮

字季友北地靈州人晉義熙中累遷中書黃門侍郎武帝受禪加尚書僕射與徐羨之謝晦並受顧命同廢少帝迎立文帝元嘉三年誅

謝晦

字宣明陳郡陽夏人初為宋武帝太尉參軍又受禪封武昌縣公少帝立加中書令與徐羨之等輔政帝廢羨之以為荆州刺史令居外為援文帝即位誅羨之等欲并討晦晦舉兵反軍敗伏誅

謝世基

晦之從子有才氣與晦同誅

臧質

字舍文東莞莒人武帝以為世子中軍參軍文帝時徙給事中出為建平巴東歷陽義興四郡太守稱為良牧魏太武南侵質距退之以功加冠軍將軍孝武初遷江州刺史生擒元凶劭封始興郡公後與南譙王義宣謀反兵敗伏誅

鄭鮮之

字道子榮陽開封人初為桓偉輔國主簿武帝踐阼遷太常都官尚書景平中出為豫章太守元嘉三年徵拜尚書右僕射

范泰

字伯倫順陽人仕晉為驃騎諮議參軍中書郎武帝受禪遷國子祭酒元嘉初進侍中左光祿大夫晚年好佛於宅西立祇洹精舍

范曄

字蔚宗小字曄泰第四子初為秘書丞累遷尚書吏部郎元嘉初出為宣城太守不得志乃撰後漢書至於屈伸榮辱之際未嘗不致意焉徵拜太子詹事大見信任坐與孔熙先謝綜等謀反伏誅

謝瞻

字宣遠一名檐字通遠與從叔混族弟靈運俱有盛名晉義熙中為安城太守宋初除中書侍郎以弟晦當朝求出守豫章遇病卒

謝靈運

晉車騎將軍玄之孫也以祖父並葬始寧移籍會稽晉孝武時襲封康樂公累遷黃門侍郎宋受禪起為散騎常侍轉太子左衛率出補永嘉太守解郡歸文帝立徵拜秘書監遷侍中病免好尋山陟險會稽太守孟顛表其有異志帝惜其才授臨川內史復為有司所糾徙廣州詔棄市靈運詩書皆兼獨絕每文竟手自寫之文帝稱為二寶

謝惠連

十歲能屬文族兄靈運每有篇章對之輒得佳句嘗於永嘉西堂思詩不就忽夢見惠連即得池塘生春草大以為工元嘉初為彭城王法曹參軍輕薄多尤累故官不顯年三十七卒

鮑照

字明遠一名昭東海人文詞贍逸尤長於樂府始為臨川王國侍郎遷秣陵令文帝選為中書舍人上方以文章自高照悟其旨由是賦述多鄙言累句時皆謂照才盡後臨海王子項鎮荊州請為前軍參軍掌書記子項敗為亂兵所殺

何長瑜

東海人初為會稽太守謝方明所致與子惠連讀書靈運過之以為絕倫載之而去日與荀雍羊璿之共為山澤之遊時人謂之四友後為臨川王記室參軍廬陵王紹鎮尋陽引為南中郎掌書記行至板橋遇風溺死

荀雍

字道雍潁川人官至員外散騎郎

王僧達

弘少子文帝聞其早慧召見德陽殿以為後軍參軍遷太子舍人出為宣城太守山郡無事日事遊獵民或逢不識問府君所在孝武立拜尚書右僕射轉護軍將軍僧達自負才地啟求徐州帝不悅以為吳郡太守孝建二年除太常彌不得意上表解職大明中以歸順功封寧陵縣侯累遷中書令黃門

詩所

名氏實里

二十八

言所 郎卒以狂逆下獄賜死

徐爰 字長玉南瑯邪開陽人本名瑗初仕晉大司馬府中典軍為武帝所知累遷尚書左丞黃門侍郎泰始初以罪徙交州復除濟南太守入為中散大夫性便僻善伺人主微旨頗涉書傳尤悉朝儀故能歷事七朝每見親任元徽三年卒年八十二

孔審子 會稽人為文帝鎮西諮議參軍以文義見賞後遷黃門侍郎領步兵校尉

袁淑 字陽源陳郡陽夏人少有風氣博涉多通元嘉中再遷太子左衛率元凶將行弒逆呼淑與蕭斌同事淑力諫遇害孝武立贈太尉諡曰忠獻

王微 字景玄瑯琊臨沂人太保弘之弟晉丞相導曾孫也初為始興王友南平王參軍遷中書侍郎吏部尚書江湛舉為吏部郎不就微素無宦情常住門屋一間尋書玩古牀席皆生塵埃唯當坐處獨淨或作王徽又帝時為廷尉遷交州刺史

王素 字休業瑯琊臨沂人有志行家貧母老為廬陵國侍郎母憂去職隱東陽屢徵不就泰始七年卒

何偃 字仲弘廬江儻人元嘉中為太子中庶子孝武時累遷侍中吏部尚書卒官

荀昶 字茂組潁川潁陰人元嘉中以文義至中書郎

江智淵 一名智深濟陽考城人元嘉末除尚書庫部郎後為竟陵王誕司空主簿從事中郎誕將為逆智淵請假先返誕事發累遷尚書吏部郎出為新安王長史初孝武寵姬殷氏卒智深議諡曰懷後車駕幸其墓以馬鞭指石柱謂曰此上不容有懷字竟以憂卒

沈慶之 字弘先吳興武康人未冠隨鄉族擊孫恩屢捷以勇聞元嘉中為建威將軍後為孝武撫軍中兵參軍討元凶劭進領軍將軍兖州刺史封南昌縣公時年七十固辭就第廢帝立加侍中太尉以盡言諫諍齋藥賜死

沈攸之 字仲達慶之從子也歷事文帝孝武隨慶之征討屢有功累遷太子虎賁中郎明帝時為尋陽

詩所

名氏詩里

二十一

太守破南賊遷中領軍封貞陽縣公荆州刺史順帝

顏竣

字士遜延之子也為孝武撫軍主簿及即位累

無所迴避上甚不堪大明元年出為東揚州刺史坐

顏測

竣之弟官至江夏王大司馬錄事參軍居常以兄

顏師伯

字長深竣族兄也為孝武徐州主簿及即位累

尹尋轉左僕射奪其京尹又分臺任師伯懼與柳元

湯惠休

字茂遠初入沙門名惠休孝武命使還俗官至

殷淡

字夷遠陳郡長平人歷黃門吏部郎太子中庶子

吳邁遠

善為篇章明帝聞而召之及見曰此人連絕之

外無所復有好自誇而嗤鄙他人每作詩得稱

意語輒擲地呼曰曹子建何足數哉

虞稹

餘姚人少好學屋漏恐損書籍乃舒被覆之書獲

劉俛

父彥節權兼領軍將軍與袁粲謀誅齊高帝不克

而死俛剃髮被法服逃至京口於客舍為人讖執

袁粲

字景倩陳郡陽夏人幼孤祖哀之名為愍孫後以

慕荀奉倩之為人改名粲歷事孝武明帝累遷丹

荀萬秋

字元寶景之子也歷官晉陵太守御史中丞

王歆之

河東人為南康劉賀道慶會稽人世以儒術顯

元景

領軍將軍張望一作晉人

許瑤

一作齊朝請王延秀

孔欣

伍緝之

詩

名

二十九

袁伯文

湛茂之

蕭璟

徐諤

王叔之

伏系之

陸凱

荀原之

尋陽漁父

鮑令暉

鮑照妹

華山畿女

齊

高帝

姓蕭氏名道成字紹伯小字鬪將其先居東海蘭陵縣晉惠時過江僑寓武進之東城里故更為南

蘭陵人仕宋累有戰功封齊王順帝昇明三年受禪改元建元在位四年

武帝

名贖字宣遠小字龍兒高帝長子也仕宋為江州刺史輔高帝受禪功參佐命後嗣位改元永明在

位十一年性節儉常言朕治天下十年當使黃金與土同價

衡陽王鈞

字宣禮高帝第十一子出繼衡陽王好學嘗手自細書五經置巾箱中以備遺忘與瑯琊

王智深濟陽江淹以文章相賞歷位秘書監延興元年為明帝所殺

竟陵文宣王子良

字雲英武帝第二子仕宋為邵陵王友會稽太守武帝即位遷南徐州刺

史兼司徒禮賢好士傾意賓客天下才學皆遊集焉隆昌元年薨

隨郡王子隆

字雲興武帝第八子能屬文武帝嘗比之東阿延興初為中軍大將軍侍中年二十

一而體過充壯以才貌為明帝所忌見害

褚淵

字彥回河南陽翟人美儀貌善容止時人以方何平叔尚宋南郡公主累遷秘書丞明帝時為吏部

尚書中書令齊受禪以佐命功進司空封南康郡公

王儉

字仲寶瑯琊臨沂人襲爵豫寧縣侯宋明帝選尚陽羨公主遷秘書丞依七畧作七志歷司徒右長

詩所

名氏錄里

三十一

史後輔齊高帝受禪封南昌縣公累遷侍中尚書令

王晏

字休默一字仕彥瑯琊臨沂人仕宋為安西主簿建元初轉太子中庶子武帝時歷吏部尚書右僕射明帝時遷尚書令進號驃騎大將軍性浮動志欲無厭帝每猜薄之誅於華林省

徐孝嗣

字始昌小字遺奴東海郟人宋孝武時尚書樂公及東昏失德將謀廢立事泄賜藥死

張融

字思光吳郡吳人仕宋為封溪令辟齊太傅掾張氏自敷已來並以理音辭脩儀範為事至融風止詭越意制尤多高帝見而笑曰此人不可無一不可有二歷官黃門郎司徒左長史

王秀之

字伯奮瑯琊臨沂人仕宋為晉平太守齊初累遷侍中祭酒都官尚書後為吳興太守以隱業所在到郡便營理舊山無復仕進意隆昌元年卒祖光祿大夫敬弘與徐羨之傅亮同朝不相來往父瓚之為五兵尚書未嘗一詣柳元景顏師伯及秀之亦不與王儉款接三世不事權貴時人稱之

王延之

字希季秀之從弟仕宋歷吏部尚書左僕射齊建元初進號鎮南將軍領竟陵王師

袁彖

字緯才小字史公宋司徒粲之從子也少有風氣善談玄舉秀才歷王府參軍不就入齊為中書郎思系遷太子中庶子

陸慧曉

字叔明吳郡吳人高帝輔政除尚書殿中郎尋為太傅東閣祭酒累輔五王立身清肅遷吏部郎南兖州刺史

丘靈鞠

吳興烏程人仕宋歷太尉參軍入齊遷中書郎掌知詔策國史永明初為通直常侍領東觀祭酒常曰人居官願數遷使我終身為祭酒不恨也後轉長沙王車騎長史卒

丘巨源

蘭陵人少舉孝廉為宋孝武所知齊臺建參掌詔誥歷南臺御史桂陽事起高帝使於中書嘗撰符檄事平轉餘杭令意甚不滿後明帝為吳興巨源作秋胡詩有譏刺語以事見殺

謝超宗

坐祖靈運事徙嶺南元嘉末得還盛有文名選補新安王子鸞常侍泰始中遷尚書殿中郎仕

詩所

名臣錄

三十一

齊轉黃門郎出為南郡王中軍司馬武帝初召掌國史坐怨望收下廷尉一宿而髮白皓首徙越雋行至豫章賜自盡

謝朓

字玄暉超宗之族父也文章清麗除隨王文學新安王記室明帝輔政以為驃騎諮議參軍掌中書詔誥轉中書郎出補宣城太守後遷尚書吏部郎兼衛尉永元初江祏謀立始安王遙光引以為黨不從收下獄死年三十六臨終寄語沈約曰公方為三代史亦不得見沒

孔稚圭

字德璋會稽山陰人以文翰為高帝記室與江淹對掌辭筆永明中歷廷尉御史中丞建武初出為南郡太守永元元年遷太子詹事三年卒官稚珪風韻清疎好文詠與外兄張融情趣相得居宅盛營山水憑几獨酌傍無雜事門庭之內草萊不翦

劉繪

字士章彭城安上里人雅麗有風則初為高帝行參軍歷中書郎竟陵王開西邸繪為後進領禰明帝初為太子中庶子及東昏見殺與博士范雲贊首請梁武於石頭轉大司馬從事中郎卒

劉瑱

一作鎮字士溫繪之弟少有行業善丹青時榮陽毛惠遠畫馬瑱畫婦人並為絕技仕歷尚書吏部郎義興太守

顧歡

字景怡一字玄平吳郡鹽官人也少好學篤志不倦隱居天台山開館教授晚節服食不與人通每旦出戶山鳥集其掌上高帝初徵為揚州士簿未幾上表東歸永明元年徵太學博士不就自剋死日道家謂之仙化焉

何點

字子哲宋吏部尚書偃之弟子性通脫遨遊公卿間不簪不帶時號遊俠處士信佛絕情婚宦齊初累徵不就老娶魯國孔嗣女亦不與妻相見別築室居之竟莫諭其意也梁天監二年卒

王融

字元長宋中書舍人僧達之孫少警慧博涉多通武帝時遷秘書丞歷中書郎竟陵王子良版為寧朔將軍武帝大漸謀立竟陵王及鬱林即位下獄賜死

王僧佑

字胤宗儉之從弟舉秀才為驃騎法曹雅好博古善老莊亭然獨立不交當世仕至太子中舍

寺斤

名氏得里

三十三

言所

名比貞

三十一

人儉嘗鳴笳列騶至僧佑門候之僧佑輒稱疾不出人皆推儉之愛明德而重僧佑之不趨勢也

虞炎

會稽人永明中以文學為文惠太子所禮遇官至驍騎將軍

陸厥

字韓卿慧曉從孫也少有風采好屬文州舉秀才永元元年父閑坐始安王遙光事被誅感慟而卒

虞通之

會稽餘姚人善言易仕至步兵校尉王仲雄臨淮陽人大司馬敬

檀約

秀才江奐朝請

鍾憲

正員郎顧則心秀才

謝昊

洗馬紀晏功曹

朱碩仙

朱子尚

伯玉

江孝嗣

公道慧

陶功曹

王常侍

朱孝廉

何從事

齊舉郎

曹丞

吳郎

陳郎

釋寶月

梁

武帝

姓蕭氏名衍字叔達小字練兒齊高帝始族弟也

以功封建陽縣男明帝末為雍州刺史討東昏而自立改元天監十八年普通七年大通二年中大通六年大同十一年中大同元年太清三年通在位四十八年為侯景所逼憂憤寢疾口苦索蜜不得而崩

簡文帝

名綱字世讚小字六通武帝第三子六歲能屬文讀書十行俱下文辭藻艷發時號宮體初封

晉安王昭明太子薨立為皇太子嗣位改元大寶侯景制命二年而遇弒

寺所

名氏得里

三十四

元帝

名繹字世誠小字七符武帝第七子初武帝夢眇目僧托生王宮及舉帝幼患眼遂眇一目封湘東王為荊州刺史侯景反遣王僧辯討誅之即位江陵改元承聖三年西魏見伐兵敗出降為宣帝所害

宣帝

名譽字理孫昭明第三子初封岳陽王侯景亂營及其兄譽與元帝有隙元帝攻殺譽營遂臣於西魏求援時周文帝為相遣兵平江陵命營主梁嗣資以江陵之地稱帝於其國年號大定在位八年

昭明太子統

字德施小字維摩武帝長子也生而聰慧讀書數行並下過目皆憶每遊宴祖道賦詩皆屬思便成無所改易接引才俊聚書至三萬餘卷著述甚多大通三年於後池乘彫文舸摘芙蓉姬人蕩舟溺水因病薨年三十一

邵陵攜王綸

字世調小字六真武帝第六子也聰穎博學九工尺牘為郢州刺史侯景構逆加征討大都督率眾討景敗還屯汝南城為魏將楊忠所破被殺

武陵王紀

字世詢別字大智武帝第八子少有文才屬辭不好輕華甚有骨氣武帝特愛之以為益

州刺史侯景亂密勅承制入討紀不赴援及聞帝崩遂僭號改元天正舉兵東下元帝拒之於硤口明年眾潰為游擊將軍樊猛所殺

臨賀王正德

字公和臨川王宏第三子初武帝胤嗣未立養以為子及生昭明正德還本封西豐侯心常快快普通三年奔魏魏不見禮復逃歸後進封臨賀郡王為丹陽尹為有司所糾去職乃與侯景同逆景誑立為帝尋矯詔殺之

南浦侯推

字智進安成王秀第二子少清敏好屬文深為簡文所親賞歷淮南晉陵吳郡太守所臨必赤地大旱吳人號為旱母侯景之亂守東府城陷死之

上黃侯曄

字通明始興王憺第三子歷給事黃門侍郎晉陵太守盛有文名為宗室推重特被簡文友愛與新渝建安南浦並豫密宴號東宮四友

江安侯圓正

字明允武陵王紀第二子歷西陽太守紀東下元帝召而鎖之省內後紀敗付廷尉

詩所

名氏爵里

三十五

獄絕食而死

武烈世子方等

字實相元帝長子以都督南討河東王軍敗溺死於麻溪

陶弘景

字通明丹陽秣陵人未弱冠齊高帝引為諸王侍讀永明十年脫朝衣挂神虎門上表辭祿公

卿祖之征虜亭供帳甚盛朝野榮之於是止句曲山自號華陽隱居武帝即位屢加禮聘不出然朝廷大事無不前以咨訪時人謂之山中宰相大同二年卒年八十五謚曰貞白先生

沈約

字休文吳興武康人也左目重瞳子聰明過人博該墳籍宋泰始中蔡興宗引為安西記室參軍入

齊為太子家令累遷吏部郎出為東陽太守明帝徵為國子祭酒司徒左長史及梁武受禪以僕命功遷尚書令封建昌縣侯加特進卒謚曰隱

江淹

字文通濟陽考城人起家南徐州從事宋建平王景素為刺史引為鎮軍參軍時廢帝多失德景素

謀舉兵淹屢諫不納黜為吳興令齊高帝聞其才召入史館拜中書侍郎明帝時累遷秘書監衛尉卿入

梁為散騎常侍進金紫光祿大夫封豐陵侯淹為宣城太守時泊禪靈寺渚夢人稱張景陽謂曰前以一匹錦相寄今可見還淹探懷中得數尺與之其人

大恚曰那得割截都盡遂以授丘遲又常宿冶亭夢人稱郭璞謂曰吾有五色筆在卿處淹復探還爾後文章頓贖當時謂之才盡

范雲

字彥龍南鄉舞陰人善屬文下筆輒成時人疑其宿構初為齊竟陵王府主簿歷始興內史遷廣州

刺史免官少與梁武友善及即位拜黃門郎與沈約同心翊贊累遷散騎常侍吏部尚書封霅城縣侯

丘遲

字希範齊車騎長史靈鞠之子在齊以秀才累遷殿中郎梁武平建鄴引為主簿及踐阼遷中書侍郎出為永嘉太守還拜司空從事中郎卒官

任昉

字彥升樂安博昌人小名阿堆仕齊為竟陵王記室參軍歷司徒右長史武帝踐阼拜黃門侍郎與

沈約參掌文翰累遷御史中丞出為義興新安二郡太守為政清省吏民便之卒官

王僧孺

字僧孺東海郟人七歲能讀十萬言家貧常傭書養母所寫既畢諷誦亦通在齊為竟陵王文

寺所

名氏爵里

三十六

學累遷書侍御史出為錢塘令天監初除臨川王記室歷南海蘭陵二郡太守轉北中郎諮議參軍入直西省知撰譜事僧孺為文麗逸多用新事世推其富博

張率

字士簡吳郡吳人十二歲能屬文嘗日限為詩一篇或闕即追補之稍進作賦頌至年十六向二千餘首仕齊除太子舍人天監中為司徒謝朓掾嘗為待詔賦武帝手勅曰相如工而不敏枚臯速而不工卿兼之矣遷秘書丞歷黃門侍郎出為新安太守

柳惲

字文暢惲之弟少好學尤善尺牘齊竟陵王引為法曹行參軍遷太子洗馬天監初除長兼侍中與沈約共定新律歷廣州刺史徵秘書監再為吳興太守為政清靜民吏懷之於郡感疾卒

周興嗣

字思纂陳郡項人仕齊為桂陽郡丞武帝初拜員外散騎侍郎遷給事中患風疽左目偏盲普通二年卒

劉顯

字嗣芳沛國相人本名頽天監初舉秀才解褐臨川王法曹參軍遷儀曹郎常為上朝詩沈約見而

美之命工書人題之郊居宅壁歷尚書左丞武帝忌其能出為尋陽太守卒官

蕭琛

字彥瑜南蘭陵人起家齊太學博士累遷尚書左丞與武帝有舊嘗呼為宗老歷江夏吳興二郡太守大通元年拜侍中金紫光祿大夫卒

曹景宗

字子震新野人仕齊歷武陵竟陵二郡太守武帝起兵景宗率眾從軍累有戰功除郢州刺史天監六年大敗魏於鍾離封竟陵縣公七年遷江州刺史赴任卒於道

裴子野

字幾原河東聞喜人起家齊武陵王國左常侍江夏王行參軍武帝以為著作郎掌脩國史起居注遷中書侍郎轉鴻臚卿領步兵校尉

劉峻

平原人本名法武年八歲與母沒於魏並出家為尼僧尋還俗齊永明中奔江南更名峻字孝標篤學不倦清河崔慰祖謂之書淫明帝時蕭遙欣為豫州引為刑獄參軍天監初召入西省典校秘閣出為安成王戶曹參軍以病解職因遊東陽紫巖山築室居焉卒門人謚曰玄靜先生

詩所

名氏爵里

三十七

周捨

字昇逸汝南安成人起家齊太學博士遷太常丞武帝初召拜尚書祠部郎國史詔詰禮儀法律皆參掌之歷侍中太子詹事

陸倕

字佐公齊太常慧曉之子年十七州舉秀才竟陵王開西邸以延英俊倕與其選天監中累遷太子中舍人太常卿

徐勉

字脩仁東海郟人仕齊累遷領軍長史武帝初拜中書侍郎歷五兵吏部尚書參掌機密每有表奏輒焚藁草未嘗漏泄禁省中事以此大被恩遇授特進右光祿大夫中衛將軍卒勉雖居顯位不營產業常稱人遺子孫以財我遺之清白

江革

字休映濟陽考城人初補國子生舉高第歷三職謝朓常候革時大寒雪見革敝絮單席躄屣不卷乃脫所着襦手割半毡與革充卧具而去竟陵王引為西邸學士武帝初除建安王記室參軍累遷秣陵建康令尋陽太守御史中丞所蒞以嚴肅著名後為豫章王長史隨鎮彭城失守為魏所執尋放還復為

武陵王長史徵拜都官尚書輕糴濟江於西听取石十餘片以實之其清介如此

傅昭

字茂遠晉司隸校尉咸七世孫仕齊位尚書中丞武帝初拜給事黃門侍郎歷左戶尚書安成內史出為臨海太守累遷散騎常侍所蒞常以清靜為政博極今古尤善人物魏晉以來官宦簿閥姻通內外舉無遺失世稱學府

柳惔

字文通河東解人天監初為太子詹事歷尚書左僕射封曲江縣侯性好音樂所畜女妓頗精麗然畏內畧不敢視僕射張稷與惔狎密而為惔妻賞敬稷每詣惔必先相問夫人惔欲見妓恒因稷請奏其妻隔幔坐妓乃出惔因得留目焉

謝覽

字景滌陳郡陽夏人選尚齊錢唐公主為太子舍人天監初拜中書侍郎歷吏部尚書出為吳興太守有名卒於官

何敬容

字國禮廬江灑人尚齊長城公主拜駙馬都尉天監中為建安內史吳郡太守歷尚書令自晉

詩所

名氏爵里

三十八

宋以來宰相皆文義自逸敬容獨勤庶務貪愆為時所嗤鄙坐事免尋起金紫光祿大夫遷太子詹事後侯景襲建鄴卒於圍內

宗夫

字明揚宋隱士炳之孫仕齊為驃騎行參軍時竟陵王集學士於西邸並見圖畫亦預焉明帝時為郢州中從事武帝起兵遷西中郎諮議及受禪歷太子右衛率五兵尚書

高爽

廣陵人齊永明時舉孝廉天監初歷官臨川王參軍出為晉陵令

蕭子範

字景則齊高帝孫豫章王疑之第四子也永明中封祁陽縣侯拜太子洗馬天監初為司徒主簿遷南平王從事中郎復為臨賀王長史歷官十餘年不出藩府而諸弟並登顯列意殊不平後轉祕書監簡文即位召為光祿大夫尋卒於招提寺僧房

蕭子顯

字景陽與弟子雲子暉並子範弟也封寧都縣侯天監初除黃門侍郎國子祭酒遷吏部尚書侍中大同三年出為吳興太守卒

蕭子雲

字景喬封新浦縣侯年三十起家為梁祕書郎遷臨川內史還除散騎常侍歷侍中國子祭酒出為東陽太守侯景寇逼奔晉陵餒卒於顯雲寺善草隸書效鍾元常王逸少微變其體為世楷法

蕭子暉

字景光有文才嘗獻重雲殿聽講三慧經賦甚為武帝所賞仕至驃騎長史

陸杲

字明霞吳郡吳人天監初為御史丞倖直不避疆禦出為義興太守歷左戶尚書太常卿

荀濟

字子通潁川人後居江左初與武帝布衣相知及帝登位濟負氣常曰會盾鼻上磨墨作檄耳帝以此深不平之後上書極詆佛法帝怒將加顯戮逃魏謀匡靜帝事泄為齊文襄燔死

吳均

字叔庠吳興故鄣人天監初柳惲為吳興召補主簿日與賦詩均文體清拔有古氣好事者效之謂為吳均體建安王遷江州引為國侍郎還除奉朝請撰通史未就而卒

王泰

字仲通齊侍中僧虔之孫也天監初起家祕書丞遷廷尉卿吏部尚書

王筠

字元禮一字德柔幼與從兄泰齊名初為尚書殿中郎王氏自過江未有居郎署者筠獨欣然就職

詩所

名氏爵里

三十九

累遷太子中舍人掌東宮管記與殷鈞並以方雅見禮歷秘書監司徒左長史夜為盜攻墜井卒

劉孝綽

字孝綽本名冉小字阿士齊中郎繪之子天監初起家著作佐郎遷秘書丞太子僕甚為武帝昭明賞遇歷廷尉正御史中丞尚書吏部郎左遷臨賀王長史仗氣負才多所陵忽前後五免然辭漆為後進所宗弟姪子姪當時七十餘人並能屬文近古未之有也

劉孝儀

字孝儀本名潛孝綽弟天監五年舉秀才為尚書殿中郎遷太子洗馬中舍人出為陽羨令甚有聲績歷臨海太守遷都官尚書尋為豫州刺史侯景寇建鄴遣子勵率兵入援及宮城不守失郡卒

劉孝勝

字孝勝第五弟位尚書右丞遷武陵王長史蜀郡太守王儋號隨出峽口兵敗被執元帝宥之以為司徒右長史

劉孝威

孝綽第六弟初為晉安王法曹累遷太子洗馬中庶子侯景之亂隨柳仲禮西至安陸卒

劉孝先

孝綽第七弟為武陵王主簿與兄孝勝並見執元帝以為黃門郎遷侍中

劉苞

字孝嘗一字孟嘗天監初為右軍功曹累遷太子洗馬掌書記與從兄孝綽從弟孺並以文藻為武帝所嗟賞

劉孺

字孝稚起家中軍法曹行參軍鎮軍沈約引為主簿恒與游宴賦詩大被稱賞累遷太子中舍人出為晉陵太守入拜侍中吏部尚書母憂以毀卒

劉遵

字孝陵孺之弟為晉安王記室甚見賓禮及王為太子除中庶子卒官

王暕

字思晦齊太尉儉之子選尚淮南公主遷秘書丞入梁歷侍中吏部尚書領國子祭酒

王規

字威明暕之從子起家秘書郎累遷太子洗馬中庶子先後侍東宮並為昭明簡文所重歷新安吳郡太守常以門宗貴盛恒思減退遂築室於鍾山宋熙寺居焉卒

王訓

字懷範小字文殊暕第三子幼聰警有識量文章之美剡策除秘書郎遷侍中卒年二十六

王錫

字公嘏瑯琊臨沂人少好學致損右目舉清茂除秘書郎再遷太子洗馬數與昭明太子遊狎情兼

寺所

名氏得

四

言所

師友以戚屬封永安侯累遷吏部郎中稱疾不拜尋

卒

王籍

字文海齊太子中舍人僧佑之子少好學有才氣為餘杭錢塘令梁天監中除湘東王諮議參軍轉中散大夫後為唐侯相彌忽忽不樂未幾而卒

到溉

字茂灌彭城武原人與弟洽俱知名樂安任昉大相賞好昉出守義興携之郡為山澤之遊及入為御史中丞復與劉孝綽陸倕等車軌日至號曰蘭臺聚除尚書殿中郎後為建安太守歷御史中丞都官左戶二尚書所蒞以清白自脩武帝恩禮甚篤後因疾失明卒

謝舉

字言揚為太子家令掌管記深為昭明太子賞接遷吏部尚書祖莊父瀹兄覽並歷此職前代少比大同三年出為吳郡太守歷太子詹事尚書令卒於內臺

張纘

字伯緒范陽方城人尚武帝女富陽公主封利亭侯起家秘書郎遷太子洗馬中舍人掌管記出為吳興太守政務清靜人吏便之徵拜吏部尚書歷湘州雍州刺史侯景之亂為岳陽王誓所害

劉壽

字士湮平原人天監中歷位西昌相尚書主客侍郎海鹽令母憂以哀卒

殷鈞

字季和陳郡長平人尚武帝女永興公主為秘書丞遷太子家令出為臨川內史閉閣卧理而百姓化之官至國子祭酒

殷芸

字灌蔬鈞宗人天監中位秘書監司徒左長史後直東宮學士省

蕭瑱

字文容南蘭陵人武帝時仕為庶子

庾肩吾

字慎之南陽新野人初為晉安王國常侍歷太子中庶子及簡文即位遷度支尚書領義陽太守封武康縣侯

何遜

字仲言宋御史中丞承天之曾孫也天監中起家奉朝請除安成王書記隨府江州還兼尚書水部郎南平王復引為賓客掌記室事薦之武帝與吳均俱進幸後稍疎隔希復得見

褚翔

字世舉齊太宰淵之曾孫初為國子生舉高第超遷宣城王友出為義興太守徵拜侍中守吏部尚

詩所

名氏爵里

四十一

書母憂以毀卒

陸雲公

字子龍九歲讀漢書從祖無所失極甚異之仕至中書黃門郎掌著作

徐摛

字士秀一字士績東海郟人屬文好為新變不拘

新安太守秩滿還為太子中庶子左衛率簡文嗣位後為侯景幽閉摛不獲朝謁感氣疾卒

劉之遴

字思貞南陽涅陽人小字僧伽年十五舉茂才

南郡太守轉湘東王長史歷秘書監侯景之難剃髮逃還至夏口湘東王嫉其才送藥殺之

陸罩

字洞元杲之子簡文居藩為記室參軍遷太子中庶子禮遇甚厚大同七年以母老求去公卿祖道

於征虜亭時人方之疎廣母沒後位終光祿卿

徐悝

字敬通勉第二子聰敏能文位太子中舍人掌書記以足疾出為湘東王友遷晉安內史先勉卒

徐怿

勉之從子為武陵王紀參軍侯景亂勸紀入援不從及紀稱帝又固諫被殺

謝徵

一作徵字玄度陳郡陽夏人位尚書左丞北中郎

見賞於世

伏挺

字士標一字仕操平昌安丘人年十八為武帝征東行參軍累遷晉陵武康令補南臺書侍御史以

暗被劾變服出家藏匿久之遇赦出不堪蔬素復還俗侯景亂中卒

江祿

字彥遐濟陽考城人位太子洗馬相東王錄事參軍以氣陵王王深憾之祿先為武寧郡頗事資產

王因改祿字曰榮財以志其忿後為唐侯相卒

何思澄

字元靜東海郟人嘗為遊廬山詩沈約稱賞題之郊居宅壁自廷尉正遷書侍御史後除相東

武陵二王錄事參軍

劉綏

字舍度平原高唐人為湘東王中錄事性虛遠有氣調風流迭宕名高一府

費昶

江夏人善為樂府嘗作鼓吹曲武帝重之勅曰才意清拔有足嘉異可賜緡十匹

詩所

名氏爵里

四十一

褚灃 字士洋河南陽翟人為曲阿烏程延陵令並稱清慎歷太子率更令御史中丞湘東王諮議參軍

庾仲容 字子仲潁川鄢陵人初為安西法曹參軍歷永康錢唐武康令遷尚書左丞太清亂遊會稽卒

沈旋 字士規約之長子位司徒左長史太子僕以母憂去官終於南康內史

沈翹 字孝鯁約之次子亦知名位黃門郎

劉璠 字寶義沛國人解褐王國常侍補華陽太守屬侯景之亂元帝承制授平北府司馬復為武陵王所

召入蜀使工畫陳平渡河歸漢圖遺之璠固求還至白馬西屬周師已至南鄭遂降文帝聞其名以為中外府記室明帝初除內史中大夫左遷同和郡守卒

鮑機 一作幾字景玄東海郟人初為春陵令遷尚書郎終於湘東王諮議參軍

鮑泉 字閏岳機之子少事元帝為通直侍郎及帝承制累遷信州刺史後以世子方諸為郢州刺史泉為長史侯景遣兵襲之城陷被害

鮑子卿 或作行卿以博學大才稱為臨川王錄事兼中書舍人遷步兵校尉

王臺卿 晉安王刑獄參軍或云為南平王世子雍州刺史格賓客與庾仲容江仲舉蔡遠並被接遇

紀少瑜 字幼瑒丹陽秣陵人本姓吳嘗夢陸倕以青鏤管筆授之由此文思道進為晉安國中尉大同七年引為東宮學士後除武陵王記室參軍

徐君倩 字懷簡齊司空孝嗣孫善屬文有輕艷之才新聲巧變人多諷習為湘東王鎮西諮議參軍頗好聲色時載妓肆遊荆楚山川靡不畢踐

朱异 字彥和吳郡錢塘人初為揚州議曹從事史召直西省累遷散騎常侍中領軍勸納侯景降及景反城內文武咸尤之慚憤而死

王偉 畧陽人居潁川仕魏為行臺郎後同侯景叛景文傲並偉所製景敗偉走匿草中直瀆戍主黃公喜擒送江陵伏誅

言所

江從簡

革之子少有文情位司徒從事中郎侯景亂為

何子朗

字世明遜之宗人早有才思卒於國山今年二

虞羲

字士光會稽餘姚人或云字子陽有才藻晉

張嶷

字四山吳郡人起家秘書郎累遷吳興太守死於

陸山才

字孔章吳郡吳人儻尚文史敬帝初為鎮南

會侯安都破琳將得反累遷度支尚書歷西陽武昌

鮑至

東海人為晉安王西庾丹少有雋才為桂州刺史

孔燾

故無錫令後為晉安劉沈字茂灌彭城人位散騎

徐防

仕晉安王隨府雍州虞騫會稽人工為五言詩官

蕭巡

一作遊琛之子位少孔翁歸會稽人為南平王大

江洪

濟陽人為建陽令坐劉沆丹陽丞

張卷

侍中王峻太子中庶子

劉洽

司徒主簿江曹司徒左西屬

王罔

洽中沈繇助教

何寘南

遜從兄李鏡遠

孔攢

朱超道一作朱超一作朱越

戴勗

沈君攸

施榮泰

一作泰榮高允生

王循

房篆

裴憲伯

庾成師

寺所

名氏爵里

四十四

車敳

姚翻

阮研

一作妍

王樞

湯僧濟

楊皦

吳孜

任豫

劉臻

鄧鏗

聞人蒨

顧煊

一作愷

王脩巳

王孝禮

謝瑱

范筠

甄固

王環

江伯瑤

劉泓

王湜

李孝勝

談士雲

劉愷

一作蟾

賀文標

張騫

蕭若靜

蕭欣

殷灃

盧舜

王顒

王瑩

諸葛嶢

桓季珪

劉綺

韋黯

朱記室

王江乘

桓法闔

詩所

名氏爵里

四十五

詩所

名氏實里

四十一

釋寶誌

不知何許人宋齊之交稍顯靈跡被髮徒跣語默不倫預言未兆常多玄驗武帝尤深敬事天

監十三年終

釋智藏

本姓顧氏吳郡吳人大初六年勅住興皇寺梁武授戒時時咨稟皇太子尤加敬接

釋惠令

惠慕道士

僧正惠侶

王氏

霸城王整之姊適衛敬瑜年十六夫亡父母舅姑咸欲嫁之不許截耳為誓雍州刺史蕭濬表其門

劉氏

孝綽妹適王淑英 劉令嫺 孝綽妹稱三娘適徐

沈滿願

范靜妻

王金珠

包明月

陳

後主

姓陳氏名叔寶小字黃奴長城下若里人宣帝長子也大建元年立為皇太子十四年嗣位至德四年禎明二年通在位六年荒於詩酒不恤政事為隋文帝所滅仁壽四年終洛陽

沈后

名婺華吳興武康人性端靜有識量工書翰後主遇后既薄而張貴妃有寵后澹然未嘗忌怨以數諫幾廢會國公不果與後主俱入隋後煬帝被弒后自廣陵過江於毗陵天靜寺為尼名觀音貞觀初卒

樂昌公主

後主妹

徐陵

字孝穆梁侍中摛之子年數歲沙門寶誌見而摩其頂曰天上石麒麟也初為晉安王參軍累官散騎常侍仕陳歷五兵吏部尚書封建昌縣侯大建中遷尚書左僕射國子祭酒後主即位加左光祿大夫氣局宏遠清簡寡欲為一代文宗

徐孝克

陵之弟起家為太學博士性至孝侯景之亂奉母不給乃以妻滅氏嫁景將孔景行資其穀帛又剃髮為沙門改名法整兼乞食以充之後孔戰死滅氏復求歸供養孝克乃歸俗更為夫妻東游錢唐

詩所

名氏實里

四十一

道俗受業者數百人屢辟不就宣帝嘉其操行徵拜國子祭酒每宴享徹孝克前饌以餉其母時論美之禎明初遷都官尚書後入隋開皇十九年卒

江總

字總持濟陽考城人梁世位太子中舍人天嘉中徵為中書侍郎遷太子詹事後主即位歷任尚書

令不持政事日隨後主遊宴後庭多為艷詩與陳暄孔範等十餘人號為狎客綱紀日頹君臣昏亂以至於滅入隨拜上開府開皇十四年卒於江都

顧野王

字希馮吳郡吳人博學能文兼善丹青梁世為宣城王賓客王於東府起齋令畫古賢王褒書

讚時人稱為二絕補撰史學士大建中遷太子率更令黃門侍郎光祿卿

周弘正

字思行幼孤與弟弘讓弘直俱為伯父捨所養仕梁為國子博士入陳遷侍中國子祭酒宣帝

時為尚書右僕射善玄理為當世所宗然醜而吃常自稱有才無相年七十九卒

周弘讓

隱居句容茅山頗徵不出晚為侯景中書侍郎時論鄙之天嘉初以白衣領太常卿光祿大夫

周弘直

字思方仕梁為湘東王記室參軍及承制累遷昌州刺史入陳位太常卿光祿大夫弘直方雅

敦厚氣調高於二昆時人目三周為蜂腰

陰鏗

字子堅武威姑臧人善五言詩為時所重釋禡梁相東王法曹行參軍天嘉中為始興王中錄事參

軍累遷晉陵太守員外散騎常侍

岑之敬

字思禮南陽棘陽人仕梁為南沙令大建初累遷南臺書侍御史征南府諮議參軍

孔奐

字休文會稽山陰人仕梁為尚書儀曹侍郎武帝初除司徒左長史出為晉陵太守文帝時徵拜御

史中丞大建中歷吏部尚書侍中弘範宮衛尉

張正見

字見贖清河東武城人幼有清才為簡文所賞梁元帝時為彭澤令屬喪亂避地匡俗山武帝

受禪還都累遷尚書度支郎撰史著士

徐伯陽

字隱忍東海人仕梁為侯官令天嘉中除新安王府中記室諮議參軍聞姊喪發疾卒

詩所

各且置里

四十七

沈炯字初明吳興武康人初為吳令侯景之亂景將宋
害元帝立封原鄉侯領尚書左丞荆州陷入魏魏人
甚禮之以母在求歸陳武帝以為御史中丞文帝立
加明威將軍還吳疾卒

傅綽字宜事北地靈州人太清末為王琳記室琳敗還
都文帝召為撰史學士太子庶子後主即位遷中
書通事舍人掌詔誥負才使氣陵侮人物為施文慶
等所譖收下獄綽憤恚上書極諫賜死

韋鼎杜陵人博涉經史明陰陽相術仕梁位中書侍郎
陳受禪拜黃門郎遷太府卿入隋歷光州刺史
謝貞字元正晉太傅安之九世孫也江陵陷入長安為
得歸國始興王辟為主簿再遷南平王友母憂以毀

阮卓陳留尉氏人天嘉初除新安王府記室參軍後主
即位徵為德教殿學士聘隋還遷南海王諮議參
軍以目疾解職陳亾入隋卒於江州

陸瓊字伯玉吳郡吳人天嘉中以文學累遷尚書殿中
郎宣帝為司徒除為左西掾轉中庶子後主初歷
度支吏部尚書丁母憂哀慕過毀卒

陸瑜字幹玉瓊之從弟舉秀才累遷太子洗馬中舍人
與兄琰並以才學侍東宮時人比之二應

陸玠字闡玉瑜從父弟後主在東宮徵為管記尋以疾
失明告歸太子解衣贈之為之流涕

蔡凝字子居濟陽考城人大建初尚信義公主為晉陵
太守後主時遷給事黃門郎後主嘗置酒歡甚欲
移宴弘範宮凝不奉詔左遷晉熙王長史陳亾入隋
道病卒

褚玠字溫理梁參軍澧之孫起家王府記室大建中為
山陰令去官之日清貧不堪自致皇太子賜粟二
百斛得還都入直殿省官累遷御史中丞

孔範字法言會稽山陰人大建中為江夏王長史後主
即位除都官尚書與孔貴人結為兄妹寵遇優渥
陳亾入隋文帝暴其姦佞流之遠裔

陳昭

一作陳明義興國山人父慶之在梁以軍功封永興侯昭嗣爵

陳暄

昭弟學不師受而文才俊逸後主在東宮引為學士及即位遷通直散騎常侍通脫以俳優自居為後主侮虐悸死

何胥

太常令後主常與宮中女學士及朝臣相和為詩采其尤豔麗者命胥被之管絃以為新曲

潘徽

字伯彥吳郡人為客館令後入隋卒於威定縣士簿

蕭賁

字文負齊竟陵王子良之孫神識耿介有文才起家梁湘東王法曹參軍

徐德言

太子舍人尚樂昌公主陳政衰乃破照與主分其半約他日以元夜賣於都市及陳亡主入楊素家後德言詣都果得半照乃題詩以授之主見悲泣不食素詰之主以實對於是召德言至還其妻後歸江南終老焉

王瑳

瑯琊人散騎常侍

孔魚

一作孔伯魚太子舍人

祖孫登

記室侯安都引以為客

劉勰

長史大將軍侯安都客

蕭詮

黃門郎

賀循

比部郎

賀徹

左戶郎

李爽

中記室

何處士

從事

蔡君知

凝之子

謝燮

庾僧淵

蘇子卿

陽縉

陽慎

賀力牧

伏知道

毛處約

陸系

獨孤嗣宗

李燮

江暉

詩所

名氏爵里

四十九

許所

谷山頭里

四十一

何楫

蕭淳

孔仲智

徐湛

吳尚野

吳思玄

賈馮吉

何曼才

許倪

蕭麟

蕭琳

陳叔達

釋曇瑗

金陵人以戒律處世住持為要宣帝勅瑗通海國僧以為僧正

釋洪偃

本姓謝氏會稽山陰人梁時嘗會講重雲抗言高論甚為武帝優禮侯景亂避地緬雲陳武受禪復出都天嘉五年卒

釋智愷

本姓曹氏住揚都寺與法泰同徃嶺表素積道風辭力殷瞻光大二年卒

釋惠標

高麗定法師

少女

北魏

太武帝

姓拓拔氏名燾索頤種也明元長子始光神麴各四年延和三年太延五年太平真君一年正平二年通在位二十九年

孝文帝

人和二年改姓元氏名宏獻文太子五年五歲嗣位改元延興五年承明元年太和二十三年通

在位二十九年雅好讀書才藻富贍兼以雄才大畧愛奇敬士遷都洛陽風移俗易北朝之盛未有過之者也

孝明帝

名詡宣武次子熙平神龜各二年正光五年孝昌三年武泰元年通在位十三年

孝莊帝

名子攸彭城王勰第三子明帝時封武城縣公進封長樂王明帝崩爾朱榮謀廢立以帝家有

詩所

名氏尊卑

五十一

言戶

名氏賈里

五十一

忠勳且兼人望迎即位改元永安在位三年為爾朱兆所弒

節閔帝

名恭字脩業廣陵惠王羽之子正始中襲爵以元又擅權託稱瘖病絕言一紀及莊帝崩爾朱世隆等迎即位改元普泰在位一年為高歡所廢被弒

彭城武宣王勰

字彥和獻文帝第六子孝文帝時為中書令進司徒輔相左右忠蓋勳望無與比隆宣武帝時為高肇讒構被殺及子孝莊帝嗣統追尊為文穆帝

濟陰王暉業

景穆太子曾孫濟陰惠王小新成之孫也慷慨有志節位司空太尉加特進領中書監錄尚書事北齊初降封美陽縣公為文宣所殺

中山王熙

字真興景穆太子曾孫中山王英之子也俊爽有文名累遷光祿勳相州刺史初熙兄弟並為清河王懌所昵及劉騰元又隔絕二宮矯詔殺懌熙自州起兵討之為其長史柳元章所執遇害

胡武靈后

安定臨涇人司徒國珍之女也宣武初召入掖庭為承華世婦生明帝及嗣位尊為皇太后

后後爾朱榮稱兵犯闕執而沉之河

陳留公主

本彭城公主初為劉昶子婦景明初詔尚書令王肅尚焉

元登

陳留王虔玄孫也官至尚書左僕射

高允

字伯恭渤海脩人少好學博通經史神麤初為陽平王從事中郎獻文未授懷州刺史太和二年拜領軍大將軍領中秘書事加光祿大夫歷事五朝出入三省五十餘年初無譴咎卒年九十八

段承根

武威姑臧人機辯有文思司徒崔浩薦補著作郎後浩撰史事誅承根與宗欽俱坐死

宗欽

字景若金城人仕沮渠蒙遜為中書郎世子洗馬太武平涼州除著作郎

胡叟

字倫許安定臨涇人以姚氏將衰遂入長安復入蜀還入沮渠牧犍不得志乃歸魏賜爵始復男居於密雲家無餘貲每至貴勝門恒乘一犂牛弊韋袴褶見車馬榮華者視之蔑如也

韓延之

字顯宗南陽堵陽人仕晉位平西府錄事參軍與劉裕不協奔姚興泰常二年入魏為虎牢鎮

詩所

名氏得里

五十一

將賜爵魯陽侯或云韓顯宗字茂親

王肅

字恭懿郟琊臨沂人仕齊為秘書丞父與及兄弟並為齊武所殺奔魏孝文虛襟待之累遷尚書令宣武時尚陳留公主以淮南累捷封昌國縣侯揚州刺史

常景

字永昌河內温人孝文時除門下錄事明帝幸國子寺詔百官作釋奠詩景作為美普泰初累遷車騎將軍右光祿大夫秘書監封濮陽縣子自少及老恒居事任清儉自守不營產業友人刁整等為之斂錢買馬嘗宣勅出塞經涉山川悵然懷古擬劉琨扶風歌十二首

劉昶

字休道宋文帝第九子也封義陽王和平六年奔魏尚武邑建興平陽三公主太和初拜內都坐大官歷中書監封齊郡公進宋王開府鎮徐州卒於彭城

祖瑩

字元珍范陽道人年十二為中書學生能講誦孝文召拜太學博士孝昌中累遷國子祭酒秘書監孝武初封文成縣子瑩以文學見重嘗語人云文章須自出機杼成一家風骨何能共人同生活也

邢巒

字洪賓河間鄭人歷官中書侍郎宣武時督軍擊漢中宿豫反者有功封平舒縣伯遷殿中尚書

薛孝通

河東汾陰人普泰初為中書郎歷恒山太守以經節閔任遇為齊神武所忌免官卒於郡

温子昇

字鵬舉太原人家於齊南始為廣陽王深賤客及深為東北道行臺請為郎中軍國文翰皆出其手孝莊即位徵拜南主客郎中累遷散騎常侍齊文襄引為諮議參軍及荀濟等作亂文襄疑子昇知其謀乃餓諸晉陽獄咽濡而死濟陰王暉常稱江左文人宋有顏延之謝靈運梁有沈約任昉我子昇足以陵顏轅謝合年吐沈

宋弁

字義和西河介休人歷官中書散騎侍郎卒於司徒左長史

湯固

字敬安北平無終人太和中為大將軍劉昶法曹行參軍累遷尚書侍御史宣武末中尉王顯當權固每直言其過為顯奏免明帝初除尚書考功郎中出為洛陽令以母憂解職清河汝南京兆三王相繼領選並被辟命尋卒

詩所

名氏將里

五十二

言所

名氏爵里

五十二

馮元興 字子盛東魏郡肥鄉人少有操尚舉秀才為元
又所知引為尚書殿中郎又死被廢普泰中起
為光祿大夫太昌初卒於家

鹿念 字永吉濟陰乘氏人初為真定公元子直國中尉
永安中歷右將軍給事黃門侍郎進金紫光祿大
夫天平中除梁州刺史為反者鄭榮業執送關西

董紹 字興遠新蔡銅陽人起家四門博士累遷洛州刺
史蕭寶夤反上書請出賸巴三千生噉蜀子以功
改梁州刺史爾朱天光啟為行臺從事天光敗賀拔
岳復請為開府諮議參軍孝武西遷除御史中丞及
周文登阼坐議論賜死

盧元明 字幼童范陽涿人孝武時為中書侍郎歷尚書
右丞散騎常侍嘗道遇中山王熙見而歎曰盧
郎有如此風神唯須誦離騷飲美酒自為佳器贈帛
及馬而別

李諧 字凌和頓丘人以文辯見稱歷官秘書監大司農
為人短小六指因瘦而舉頰因跛而緩步因蹇而

徐言時人謂諧善用三短

蕭綜 字世謙梁武帝第二子封豫章王母吳淑媛在齊
東昏宮寵在潘貴妃之亞後得幸武帝七弟而生
綜故綜自以非武帝子普同四年為南兖州刺史鎮
彭城遂奔魏改名纘字德文孝莊初歷位司徒太尉
尚壽陽公主爾朱兆入洛綜為沙門潛詣長白山病
卒

李騫 字希義趙郡平棘人位散騎常侍尚書左丞使梁
坐事免後除黃門侍郎
或作袁躍字景騰位車騎將軍清河王懌文學

元翹 中書舍人 張裴裳 秀才

高孝緯 王德

王容 李謚

周南 祖叔辨

詩所

名氏爵里

五十三

詩所

名氏爵里

五十三

宋道嶼

袁叔德

鄭懿

鄭道昭

褚綯

梁人入魏

謝氏

王肅在江南娶謝氏及入魏復尚陳留長公主其後謝為尼來奔作詩贈肅公主代肅答之肅聞而甚恨遂造正覺寺以憩焉

北齊

馮淑妃

名小憐齊後主穆后從婢也后愛衰以五月五日進之號曰續命慧黠工歌舞後主以為左皇后後為周武所獲以賜代王達王亦嬖之

高昂

字敖曹渤海蓟人少有膽力與兄軋數為剽劫莊業拜西南道大都督封京兆公昂馬壯絕世每戰常自領其部曲王挑湯東方老等三千人所當無不

摧破時人比之項藉後與周文戰敗於芒山死之

陽休之

字子烈北魏前將軍固之子仕魏位給事黃門侍郎入齊累遷中書監尚書左僕射周武平齊徵赴長安歷納言太子少保除和州刺史隋開皇二年罷任終於洛陽

邢邵

字子才小字吉河間鄭人十歲能屬文日誦萬言文章典麗既瞻且速仕魏累遷尚書令文宣時除給事黃門侍郎出為西兗州刺史嘗繕治清風觀明月樓公私不擾吏民稱之還拜中書令

魏收

字伯起小字佛助鉅鹿下曲陽人少好習騎射榮陽鄭伯調之曰魏郎弄戟多少收慙遂折節讀書以文華顯仕魏典起居注兼中書舍人與溫子昇邢邵齊譽稱為三才天保初除中書令奉詔撰魏史後主時歷尚書左僕射位特進收有才無行在京洛時輕薄尤甚人號為驚蛟蝶

王晞

字叔朗小字沙彌北海劇人魏末屢徵不就文宣時為恒王友武平初官至秘書監大鴻臚晉陽陷敗周武以為諫議大夫隋開皇元年卒

詩所

名氏爵里

五十四

裴讓之

字士禮河東聞喜人魏天平中舉秀才對策高第累遷屯田主客郎中齊受禪除清河太守為

侍中高德政所誣賜死於家

裴訥之

字士言讓之第三弟弱冠為平原公墨曹掌書記文宣初位太子舍人

祖珽

字孝徵北魏司徒瑩之子神情機警詞藻邁逸少書左僕射封燕郡公後以罪出為北徐州刺史卒官

陸法和

不知何許人隱江陵百里洲妙解神術預見萌兆再為梁元帝破賊位都督郢州刺史後入齊

文宣以為大督荊州刺史封湘郡公無疾而終

顏之推

字介卿琅琊臨沂人事梁元帝為散騎侍郎江陵陷奔齊累官黃門侍郎平原太守後入周為御

史上工隋開皇中太子召為文學以疾卒

陸卬

字雲駒代人天保中累遷給事黃門侍郎吏部郎中聞弟博喪一慟而絕齊郊廟諸歌多卬所製

蕭祗

字敬式梁南平王繹之子位北兗州刺史侯景亂奔魏天保初授光祿大夫卒於鄴

劉逖

字子長彭城叢亭里人天保中為開府參軍武成時歷仁州刺史散騎常侍後坐事死

盧詢祖

范陽涿人與宗人思道並為北州人後魏收揚譽思道以詢祖為不及長廣太守邢子廣曰詢

祖有規檢禰衡思道無永稜文舉後頗折節歷太子舍人司徒記室

馬元熙

字長明河間人以通直郎待詔文林館武平中選授皇太子孝經甚得名譽隋開皇中卒於秦

王文學

蕭放

字希逸祗之子武平中待詔文林館累遷太子中庶子散騎常侍

鄭公超

後主時為奉朝請待詔文林館與祖珽楊訓同撰脩文御覽

荀仲舉

字仕高潁川人仕梁為南沙令入齊與蕭愨等待詔文林館以年老家貧出為義寧太守

蕭愨

字仁祖梁上黃侯曄之子天保中入齊武定中為太子洗馬後主時除齊州錄事參軍後入隋

詩所

各在賈里

五十五

詩所

各戶貢

五十一

袁奭

字元明陳郡人以梁侍中奉貢至齊遂留仕至太中大夫

盧詢

或云即盧詢祖

蕭毅

趙儒宗

崔巨倫

崔氏

崔林義之女適盧士深有才學常春日以桃水醴見面為祝辭

周

明帝

姓宇文氏名毓小字統萬突代郡武川人也文帝長子魏大統中封寧都郡公閔帝受禪轉岐州刺史及閔廢晉公護迎立初二年不稱號後改武成存位四年

趙僭王招

字豆盧突文帝第三子好屬文學庾信體詞多輕豔武成初封趙國公宣政中拜太師隋文將遷周鼎招欲圖之謀泄被害

滕聞王道

字彌回突文帝第十子武成初封滕國公大象元年出就國二年朝京師為隋文所害

蕭撝

字智遐梁安成王秀之子封永豐侯位黃門侍郎武陵王東下令撝守成都周文帝伐蜀遂授魏侍中武帝時歷少保少傅封蔡陽郡公

庾信

字子山父肩吾為梁太子中庶子東海徐摛為左衛率摛子陵及信並為抄撰學士父子在東宮文並綺豔故世號徐庾體以度支郎中聘東魏又章辭令盛為鄴下所稱元帝時復以御史中丞聘西魏屬大軍南討遂留長安江陵平累遷司宗中大夫明帝武帝雅好文學信特蒙恩禮至於趙滕諸王周旋款至若布衣交焉隋開皇元年卒

王褒

字子淵齊太尉倫之曾孫善草隸名與姑夫蕭子雲並重於時仕梁位尚書右僕射荆州平入周建德中歷太子少保少司空出為宜州刺史卒官

宗慄

字元慄南陽涅陽人少好讀書語輒引古事鄉里呼為小兒學士事梁元帝位吏部尚書江陵平入周拜車騎將軍儀同三司明帝時與蕭撝王褒等八十餘人在麟趾殿刊定羣書保定中卒

五十六

五十六

五十六

詩所

名氏真里

五十一

高琳

字季珉其先高麗人仕於燕後歸魏賜姓羽真氏入周累官江陵副總管進位柱國

康孟

或云隨人

徐謙

宗羈

宇文昶

釋亾名

本姓宋氏名關南郡人弱齡遁世吟嘯丘壑梁元帝深見接待梁亾遠客巴岷齊王憲鎮蜀素

加禮供秩滿還雍遂勒歸長安朝議將徵拔之雅量卓然終不易節

尚法師

無名法師

隋

文帝

姓楊氏名堅小字那羅延弘農華陰人漢太尉震之十四世孫也仕周以勳封隨國公女為宣帝后

累拜上柱國大司馬靜帝幼冲堅以元舅總朝政封隋于尋纂周自立及平陳南北混一海內設富號稱太平開皇二十年仁壽四年通在位二十四年

煬帝

名廣一名英小字阿摩文帝第二子開皇元年封晉王後以陰謀廢奪太子勇得立為太子立五年

而弑父自立荒淫暴虐下不堪命大業十四年幸江都為宇文化及弑逆遂即位改元皇泰尋為王世充醜死

越王侗

字仁謹煬帝之孫元德太子昭之子大業三年立為越王十三年帝幸江都侗留守東都宇文

侯夫人

煬帝建迷樓選美人數千居之後宮多不得進夫人有才貌一日縊於棟下臂繫囊囊中有文

左右取以進帝帝覽而傷感厚禮葬之

吳絳仙

煬帝之御龍舟擇女子千人執雕板鏤金機號為殿脚女絳仙柔麗不羣帝每倚簾視之遂見

寵遇後至廣陵不復侍寢會有獻合歡果者命小黃門以一雙馳騎賜之馬急搖解絳仙因附詩謝帝帝曰絳仙不獨美色詩意深婉何謝左貴嬪

杭靜

江都宮人

大義公主

詩所

名氏真里

五十七

柳訥

字顧言河東人永嘉之亂徙家襄陽仕梁位著作佐郎復為蕭詧吏部尚書梁國廢徵拜晉王諮議

參軍仁壽初引為東宮學士俊辯嗜酒言雜俳謔彌見親狎及嗣位遷秘書監封漢南縣公帝每與嬪后對酒輒命同榻共席猶恨不能夜召使匠刻木為偶人像之而施機關令能坐起拜伏置之座右與相醕酢而為歡笑從幸揚州卒

劉臻

字宜擊沛國相人初為梁元帝中書舍人入周為露門學士大都督文帝受禪進儀同三司皇太子

勇引為學士臻無吏幹唯航經史終日覃思遺忽世事尤精於兩漢書時人號曰漢聖

諸葛穎

字漢賢丹陽建康人仕梁為邵陵王記室參軍侯景之亂奔齊待詔文林館歷太學博士太子舍人周平齊不得調村門十餘年煬帝為晉王引為記室參軍及即位遷著作郎甚見親倖帝每賜之曲宴輒與后嬪連榻因問多所毀諧時人謂之冶葛從駕北巡幸於道

孫萬壽

字仙期一字遐年武邑武遂人在齊為陽休之開府行參軍隋文受禪滕穆王引為文學坐事

醜防江南仁壽初為齊王文學卒於大理司直

明克讓

字弘道平原鬲人仕梁位中書侍郎入周歷司調大夫文帝受禪拜太子率更令以博洽為東宮學士之冠當朝典故多所裁正焉

李德林

字公輔博陵安平人仕齊位中書侍郎入周歷御正下大夫文帝受禪拜內史令每贊伐陳之計大軍南討帝以馬鞭南指云待平陳會以七寶粧嚴公後為湖州懷州刺史卒官德林雅有器量及位望稍高頗傷自任爭競之徒更相譖毀故雖運屬興王功參佐命十餘年間不徙一級

魏澹

字彥深鉅鹿下陽曲人仕齊位中書舍人入周為納言中士隋初為行臺禮部侍郎太子舍人廢太子勇令撰笑苑世稱博物遷著作郎仍為太子博士

柳莊

字思敬河東解人事梁主訥及歸累遷鴻臚卿梁國廢除給事黃門侍郎明習舊章雅達政事為文帝所重後授饒州刺史卒官

李孝貞

字元椿趙郡人仕齊歷黃門侍郎待詔文林館
入周為吏部下大夫開皇初遷蒙州刺史常歡
曰五十之年倏焉而過宦意文情一時盡矣徵拜內
史侍郎參典文翰出為金州刺史卒官

辛德源

字孝基隴西狄道人仕齊位中書舍人入周為
宣納上士開皇初不得調隱林慮山後遷秘書
監牛弘舉脩國史除蜀王諮議參軍卒官

薛道衡

字玄卿北魏恒山太守孝通子也仕齊位中書
侍郎入周為司祿上士開皇初除內史舍人以
伐陳功遷吏部侍郎出檢校襄州總管煬帝嗣位轉
播州刺史拜司祿大夫坐論時政縊殺時年七十朝
野冤之

盧思道

字子行范陽涿人年十六讀中山劉松所為碑
銘多不解遂感激讀書後為文以示松亦不
能甚解也因就魏收借異書數年間才學兼著齊文
宣崩文士各作挽詩十首魏收陽休之等各得一
首唯思道八首故世稱八米盧郎歷官給事黃門侍
郎入周為掌教上士開皇初除散騎侍郎未幾卒

姚察

字伯審吳興武康人梁元帝時除原鄉令仕陳原
度支吏部尚書入隋大為文帝所重常謂侍臣曰
平陳之後唯得此人封北絳郡公煬帝即位拜太子
內舍人刪正朝式參預對問大業二年卒於東都

何妥

字栖鳳西城人少機警以技巧事梁湘東王為誦
書左右江陵平入周為太學博士文帝受禪除國
子博士奉詔考定鍾律累遷國子祭酒卒官

虞世基

字茂世會稽餘姚人仕陳位尚書左丞入隋拜
內史舍人煬帝立轉內史侍郎甚見親禮帝幸
江都時天下大亂世基雖居近侍唯諾取容郡縣兵
敗不敢以聞及宇文化及弑帝亦遇害

虞世南

字伯施仕陳為西陽王友陳亡與兄世基同人
隋世基辭章清勁遇世南而博瞻不及時人以
方二陸大業中累遷秘書郎煬帝雅重之然疾其峭
正十年不徙後入唐位秘書監

徐儀

陳少傅陵第三子位尚書殿中郎陳亡隱於錢唐
褚山煬帝召為學士遷著作佐郎人業四年卒

許善心

字務本高陽北新城人陳禎明元年以通直散
騎常侍聘隋屬大軍南討留繫賓館陳平授虞

詩所

各戶

五十八

部侍郎遷秘書丞攝太常與牛弘等議定禮樂煬帝

虞綽

字士裕會稽餘姚人仕陳為太學博士大業初轉

隆洽後坐與楊玄感交往徙邊亾匿信安令辛大德

王脊

字元恭梁詹事筠之孫仕陳歷太子洗馬中書舍

王胄

字承基仕陳歷東陽王文學陳滅晉王引為博士

散大夫楊玄感敗胄坐交遊與虞綽俱徙邊亾匿江

庾自直

穎川人仕陳歷豫章王外兵參軍記室入隋晉

事帝每有篇章必先示自直其所難輒改之俟稱善

袁朗

雍州長安人在陳位太子洗馬德教殿學士入隋

蕭琮

字溫文晉之孫歸之子封東陽王後嗣位二歲入

蕭岑

字智遠梁宣帝嘗第八子封吳郡王位太尉隋

牛弘

字里仁安定鵠人仕周位內史下大夫開皇初

授秘書監歷禮部吏部尚書太常卿與姚察薛道

楊素

字處道弘農華陰人仕周以平齊功開府文帝為

夫平陳封越國公歷尚書右僕射掌朝政煬帝廢奪

賀若弼

字輔伯河南洛陽人仕周位壽州刺史開皇九

國公大業三年從駕北伐坐私議得失伏誅

于仲文

字次武其先代人後居洛陽仕周歷東郡太守

竝以功見賞煬帝即位進光祿大夫遼東之敗諸將

崔仲方

字不齊博陵安平人仕周歷少內史少與文帝

皆委罪仲文帝怒繫之因發病卒

欵密及受禪拜司農少卿封固安縣公煬帝時

詩所

名氏爵里

歷戶部禮部尚書上郡信都太守

元行恭

北齊後主時以省

尹式

河間人仁壽中為漢王

王通

字仲淹河汾人仁壽三年獻策長安不用東歸後

史萬歲

京兆杜陵人少英武善騎射開皇中屢立戰功

因為藩以激怒文帝操殺之

岑德潤

南陽人父之敬博涉文史雅有辭筆德潤有父

崔信明

青州益都人大業中為堯城令竇建德招之不

孔德紹

會稽人有清才官至京城縣丞竇建德署為中

劉斌

梁秘書監之遴孫也官至信都司功書佐竇建德

署為中書舍人建德敗復為劉黑闥中書侍郎與

明餘慶

克讓之子官至司門郎越王制稱制除國子祭

孔紹安

會稽人大業末為監察御史入唐拜內史舍人

李密

字法主隴西成紀人少襲爵蒲山公楊玄感反密

名稱劉智遠於淮陽村舍中聚徒授經後歸東都賊

翟讓讓推為帥僭號魏公為王世充所破歸唐拜光

蔡允恭

居舍人荆州江陵人位起

杜之松

公瞻子位起居舍人袁慶

王衡

太原晉陽人位中書

陳子良

入唐為太子學士薛德音

王由禮

陳三公郎陳政

詩所

名氏爵里

六一

虞茂

陳良

李巨仁

弘執恭

魯范 一作範

殷英童

胡師耽

周若水

薛昉

劉端

段君彥

李那

呂讓

沈君道

魯本

劉夢予

陸季覽

鄭蜀賓

王謨

卞斌

劉榮

孫士潛

郭愔

王度

乙支文德 高麗將

釋智炫

益州武都人少出家遊學周齊間隋文作相時甚被接遇後還蜀隱三學山三百餘歲終

釋靈裕

本姓趙氏定州曲陽人有道行甚為齊文宣隋文帝所尊禮而清貞潔已屢謝時榮初居相州大慈寺末又住演空寺大業元年終

釋智命

本姓鄭氏名頤榮陽人初仕隋為羽騎尉楊素薦之遷中舍人越王稱制歷官御史大夫頤見

四方多事乃剃髮法服擊錫出家王世充執之臨刑遍禮十方口咏般若而終

僧法宣

常州弘業寺沙門

釋慧淨

本姓房氏常山真定人

釋曇遷

釋玄達

寺所

石氏尊皇

六十二

釋智才

釋曇延

釋沸大

釋慧輪

釋慧英

亾名釋

丁六娘

李月素

羅愛愛

秦玉鸞

蘇蟬翼

張碧蘭

甄述

以下世次無考

陸彥聲

仙

以下詳見歌辭本題

赤松子

雨師也服水玉以教神農又能入火自燒往往至崑崙山止西王母石室隨風雨上下炎帝少女追之亦得仙焉或云赤松子太虛南嶽真人也

西王母

龜山金母居春山崑崙之圃闐風之苑有五城十二樓雖飈車羽輪莫能造也

甯先生

方回

南極夫人

名林字容真王母第四女

右英夫人

名嫫隨王母第十三女

紫微夫人

名青娥字愈音王母第二十女

太真夫人

王母小女名婉羅字勃遂

法嬰

王母侍女

田四妃

王母侍女

上元夫人

道君弟子

三元夫人

馮雙禮

九華真妃

安鬱嬪字靈簫李金臺少女

昭靈夫人

北元中玄道君李慶實女

中候夫人

名觀香字衆愛王子晉之妹

東華上房靈妃

太微玄清左夫人

萼綠華

九嶷仙女姓楊氏

葛由

羗人

採薪人

乞食公

韓終

句曲真人

定錄右禁郎茅季偉

保命君

三官保命司蒙思和

保命府丞

樂道士

太極真人

方諸青童君

扶桑神王

清虛真人

桐栢真人

王子喬

嵩高真人

姓馮氏

西城真人

王君

清靈真人

裴玄仁陽夏人漢文帝初入太華西澗石室中積三十二年忽遇五老人授以神芝仙術

中嶽仙人

洪先生

清虛小有真人

王褒字子登王陵七世孫

蕭閒仙卿

姓張氏

華陽司農玉童

辛白鵠

鄭辟方

燕婉來

田雙連

丁令威

遼東人

蘇耽

桂陽人

張麗英

張氏女

配瑛

西方衛羅國王女

馬明生

帛和字君寶齊國臨淄人

陰長生

新野人

魏伯陽

吳人作參同契五行相類三卷

王暉

道士白羊公弟子

杜廣平

名契京兆杜陵人

葛仙公

名玄字孝先句容人

支道紀

道士

吳猛

字世雲

紫虛元君

南嶽魏夫人名華存字賢安

上清真人

許謚一名穆字思玄丹陽句容人

上清仙公

許劇字道翔小字玉斧謚之次子居方山洞

張誘世

常山人蓬萊仙公洛廣休弟子

石慶安

汲郡人鈞翼夫人弟

寺所

名氏得里

六十四

許

許

許

丁瑋寧

許玉斧友

辛亥子

字延期隴西定谷人

扈謙

魏郡人

郭四朝

燕人為玉臺執蓋郎

李仙君

名桓隱蜀華蓋山

桓真人

名凱李仙君弟子

公孫卿

敬玄子

武夷君

地仙

茅山父老

鬼

紫玉

吳王夫差小女

瀉池君

崔少府女

成公智瓊

東郡人

郭長生

杜蘭香

南陽人

劉妙容

字雅

陵欣

建康人



